

ହୁତେର ବେଶାର

(ରଙ୍ଗନାଟ୍ୟ)

ଶ୍ରୀକ୍ଷୀରୋଦପ୍ରସାଦ ବିଦ୍ୟାବିନୋଦ ଏମ୍, ଏ,

କୋହିଲୁର ଥିଏଟାରେ ଅଭିନୀତ ।

ପ୍ରଥମ ଅଭିନୟ ରଞ୍ଜନୀ ୧୦୫ ମାର୍ଚ୍ଚ ୧୯୧୫ ।

୨୦୧ ନଂ କର୍ମଓଗ୍ରାଲିସ୍ ଟ୍ରାଟ୍ ହିଡିଡି

ଶ୍ରୀଗୁରୁଦାସ ଚଟ୍ଟୋପାଧ୍ୟାୟ କର୍ତ୍ତୃକ

ପ୍ରକାଶିତ

କାଳ୍ପନିକ ପ୍ରେସ

୨୦, କର୍ମଓଗ୍ରାଲିସ୍ ଟ୍ରାଟ୍, କଲିକାତା

ଶ୍ରୀହରିଚରଣ ମାମା ଦ୍ଵାରା ମୁଦ୍ରିତ ।

পাত্র ।

আনন্দ ছলান	কলিকাতাবাসী মুন্সুফী
মুরলী	ঐ পল্লীবাসী খুল্লাত
মুকুন্দ	ঐ ভগিনীপতি
সঞ্জীব	আনন্দের পুত্র
নিতাই	সরকার
মাষ্টার				
সদা	আনন্দের খানসামা

ভূতা, উমেদারগণ, মহাজনগণ, নাগরিকগণ ইত্যাদি

পাত্রী ।

শারদা	আনন্দের স্ত্রী
পাটলা	ঐ কন্যা
গৌরমণি	নিতাইয়ের স্ত্রী
বী				

উমেদার পত্নীগণ, বন্ধীগণ ইত্যাদি

প্রস্তাবনা ।

রঙ্গিণীগণ ।

চাকরী চাকরী চাকরী (ওগো)
বাবুরা চাকরী নিয়ে গেছেন সহরে !
তাড়া তাড়ি বাড়ী ছেড়ে চাৰি দিয়ে সদরে ॥
কলম পিশে দিবা রাত,
ছুবেলা জোটেনা ভাত
বসে বসে গেঁটে বাত—(আফিসে)
(কেবল) লোক দেখানো দেঁতোর হাসি মাখা অধরে ।
পয়সা দিয়ে হাতে মাটি দাঁতন কাটি
বাবুদের কাম্বাহাটি এই বারে ।
পয়সা খেয়ে ঢেকুর তোলা
পুষ্ট দেহ হলো সোলা—
বাবুয়ানা ষোল আনা ধার ক'রে—
(হেথা) বাবুর ঘরে বাঘের বাসা
চামচিকে আর ঊঁশ মশা
জন্মে গেল অশথ ছাদে ভিটেয় ঘু ঘু চরে ।

ভূতের বেগার ।

প্রথম অঙ্ক ।

প্রথম দৃশ্য ।

শারদা ও আনন্দ ।

আনন্দের বাটী ।

আনন্দ । শারদা—শারদা—শারো—ও শা—

(শারদার প্রবেশ)

শারদা । কেন—আজ এত আদর করে ডাকা হচ্ছে কেন ?

আনন্দ । এইত প্রাণেশ্বরী নিষ্ঠুরের মতন কথা কইলে !

কবে আমি তোমাকে আদর করতে কুণ্ঠিত হয়েছি ।

শারদা । আজ কিছু বেশি রকমের আদর কিনা !

আনন্দ । আজ কিছু হবার কারণ আছে । বাউয়েল সাহেব আমাকে এবারে এজেন্ট করে দিয়েছে ।

শারদা । এজেন্ট গিরিতে কি মাইনে ?

আনন্দ । মাইনে—বড়বাবুতে দুইশো টাকা মাইনে পেয়েছি ।

এ একেবারে আটশো ।

শারদা । কবে দেবে ?

আনন্দ । দেবে কি দিয়েছে ।

শারদা । তা হলেত রক্ষা পাই—দুশোতে যে আর কুলুচ্ছেনা !

জিনিষপত্র এত হুসুল্য যে খরচপত্র সামলান দায় হয়ে উঠেছে ।

আনন্দ । তাই বুঝেইত তোমার আশ্রয় নিচ্ছি ।

শারদা । ওমা ওকি কথা বল—মাইনে বেশি হচ্ছে এত মুখেরই কথা । তাতে আশ্রয় দেব কি আবাব ।

আনন্দ । দেবার কারণ না থাকলে বলব কেন ? দেখ এতকাল বড় ইজ্জতেই চলে আসছি, কিন্তু আর বুঝি থাকে না । আমার বাবা বলতেন আমি একটাকা ক'রে চালের মন দেখেছি ; ময়দা ছিল ছটাকা মন, ঘী আড়াইসের টাকায়—থেসারি, মুসুর তখন মানুষে খেতোনা—এক টাকা পাঁচ সিকা মন । চারটে পয়সা খরচ করলে ঝুড়ি খানেক বাজার হ'ত । এখন কি না তেল দুসের টাকায় !

শাবদা । তাই বা খাঁটা পাচ্ছ কই ?

আনন্দ । তা হ'লেই ভাল বললে ! খোরাক জোগানই ভার হয়েছে । তার ওপর গাড়ী ঘোড়া লোক-লৌকিকতা, নানা আসবাবের খরচ—মাসে মাসে দেনা হয়ে পড়ছে শাবো—দেনা হয়ে পড়েছে ।

শারদা । দেনা হয়ে পড়ছে—দেনাতো চেপেছে ।

আনন্দ । তার ওপর মেয়ের বিবাহত আর রাখা যায় না । ডিপুটীর ছেলে সবে বিয়ে পড়ছে—পাস করতে পারে কি না তার ঠাক নেই—দশহাজার টাকা চেয়ে বসেছে ।

শারদা । দশহাজার এখন কোথা থেকে দেবে ।

আনন্দ । তাতো ভগবান মুখ তুলে চাইছেন । এই বছরেই মেয়ের বিয়ের কিনারা করব । আটশো মাইনে, তারওপর কমিসনে ও এতে তাতে আরও পাঁচশো ধর । বারো চোদ্দশো টাকা কেউ ঝুচুছে না । সাহেব কাজ আগে থাকতেই একরকম দিয়েছে । আমি একরকম আফিস ফেঁদেছি ।

শারদা । আফিস ফেঁদেছো ! তার মানে কি ? তবে কি তুমি ও আফিসে কাজ করবে না ।

আনন্দ । ওই আফিসেই কাজ করব বই কি ? তবে সাহেবেরা যেমন এক এক ডিপার্টমেন্টের কর্তা—আমিও তেমনি এক ডিপার্টমেন্টের কর্তা । আমি আমার ডিপার্টমেন্টে হস্তা কর্তা বিধেতা । লোক বাহাল করতে, ছাড়াতে—যা যখন মনে করব, তাই করবো । কেউ তাতে আপত্তি করতে পারবে না ।

শারদা । সাহেবেবাও নয় ?

আনন্দ । কেউ নয় । আমার কথার ওপর কথা কইতে কেউ নেই । বরং সাহেবদের সময়ে সময়ে আমার হুকুম শুনতে হবে ।

শারদা । বলকি গো । এমন চাকরী—

আনন্দ । শারদা—শারো—শা এখন আমি দেখেছি সাপের পাঁচ পা—আমি এজেন্টো, আর তুমি এজেন্টিনী, অর্থাৎ কেরানী রাজ্যের রাণী ।

শারদা । তাই বল—কালীঘাটে পূজো দিয়ে আসি ।

আনন্দ । প্রথম মাইনে যে দিন পাব শারদা—সেই দিন । আজ, আমার মাথায় ছুঁইয়ে টাকা একটা তুলে রাখ—আর মাস ধানেক ধরে আমাকে আশীর্বাদ কর যেন আমি বেঁচে থাকি ।

শারদা । ওকি কর—ছি ! ছেলে মেয়ের বুদ্ধি হয়েছে—এখনি এলে দেখে ফেলবে । তা এমন শুভসংবাদ দিতে এলে—তাতে আশ্রয় নিচ্ছি বলছিলে কেন ? শুনে আমার বুকটো টিপ টিপ করে উঠেছে । কত বঙ্গই জান ।

আনন্দ । আশ্রয় নিচ্ছি—সেটা ঠিক । কিন্তু তাতে একটু গোল আছে । তাতে কিছু টাকা ডিপজিট দিতে হবে ।

শারদা। কত টাকা ?

আনন্দ। পঞ্চাশহাজার টাকা।

শারদা। ওমা ! এত টাকা !

আনন্দ। একি আর টাকা ? একলাথ দেড়লাথ টাকারদুটকমে কি আর এজেন্টগিরি হয়। পাঁচ সাতলাথ টাকা আমার হাতদে চলাচল করবে। বিনা জামিনে বিশ্বাস করবে কেন ? সাহেবেরা বড় অনুগ্রহ করে আমায় পঞ্চাশ হাজার টাকার জামিনে কাজটা দিচ্ছে। আমার আগে মদনলাহা মুচ্ছুদি গিরি করে, চৌঘুড়ি হাঁকিয়ে চলে গেছে।

শারদা। গেছে বললে যে। মদন লাহা কি মরে গেছে !

আনন্দ। মরে না গেলে কি আর বেনেব পো চাকরী ছাড়ে ! তার ছেলেরা লাথটাকা জানিন নিয়ে হাজির হ'ল। কিন্তু সাহেব তাদের না দিয়ে আমাকে দিলে। কি অনুগ্রহ শারদা কি অনুগ্রহ—তা আব তোমাকে কি বলব।

শারদা। অনুগ্রহত বুঝলুম। কিন্তু এখন টাকা না দিতে পারলেত অনুগ্রহ নয়। টাকা কোথায় পাবে ?

আনন্দ। নিতাই সরকার আমাকে বাইরে থেকে ত্রিশহাজার জোগাড় কোরে দিচ্ছে—গুধু বিশহাজারের অনাটন। তাই তোমার আশ্রয় চাচ্ছি। তোমার নামে যে কোম্পানীর কাগজ কথানা আছে, তাই দিলেই আমি একেবারে এজেন্টা হয়ে গ্যাট হয়ে জেঁকে বসি।—চিন্তা ক'র না—দোহাই শারদা এতে চিন্তার কিছু নেই।

শারদা। আমার আবার চিন্তা কি ! তোমারই দেওয়া টাকা তুমি নেবে তাতে আমি চিন্তা করবো কেন ? তবে কি জান

সব টাকা ঘর থেকে বার করবে, তার ওপরে দেনা । তোমার চাকরীতে কি আমি বুঝতে পারছি না ।

আনন্দ । সে তোমায় কিছু বুঝতে হবেনা । আগে যাকে বলত মুছুদ্বিগিবি, বুঝেছ—তবে সেটা দিশি চাকরী আর এটা বিলিতি । ;

শারদা । ওমা ! তাই বল মুছুদ্বী—তা টাকা কবে দিতে হবে ?

আনন্দ । কথা হয়ে রইল - তারপর নেবার সময় নেবো ।

নিতাই । (নেপথ্যে) বাবু ! বাবু !—

আনন্দ । কি নিতাই এসেছ ! (নিতায়ের প্রবেশ) কি খবর ?

নিতাই । ভারী মজার খবর ! বাউয়েল সাহেবের বেলি চুঁই-চুঁই । কেও—মা—ভারী মজা মা ! ভারী মজা ! আমি পশ্চিম দিকের গুদোমের ভূমিমালাগুলো সাফ করতে গেছি, এমন সময় দেখি বড় সাহেব বাড়ীর বাবাভার সামনে গঙ্গাব ধারে পাইচারি করছে । আপনার আশীর্বাদে আমাকে সাহেব বড়ই অনুগ্রহ করে কিনা— আমি পাটিপে পাটিপে পাশ কাটিয়ে যাব মনে করছি, কিন্তু যাবার যোকি তার বেরাল চোক—বন বন ঘুরচে—টপ ক’রে আমাকে দেখে ফেললে ! দেখেই বলে—গাটাই—গাটাই—আমি যেন স্তনতে পাইনি এমন করে মাথা ফিরিয়ে গঙ্গাবাগে চেয়ে রইলুম । আর পেছন থেকে বলবকি বাবু—বলব কি মা—বেরালে যেমন ইঁহর ধরে তেমনি ক’রে বড় সাহেব টপ্ করে এসে থপ্ ক’রে আমার ঘাড়টা ধরে তুলে ফেললে । তুলেই বললে—এই ইউ গাধা উল্লুক, বদমাস গাটাই—গাটাইতো—গাটাই—শালায় হাতে পড়ে আমি বন্ বন্ করে ঘুরতে লাগলুম । সাহেব হোহো ক’রে হেসে বললে—কি গাটাই তোমার বাবুটো এজেন্টো হইল তাতে তোমার কি হইল ? আমি বললুম, আমার ত সবই হইল ছজুর—কিনা হইল । বাবুরইত খাচ্ছি ।

সাহেব বললে তুমিটো খাচ্ছ—আমাকে কি খাওয়াচ্ছ ? আমি বললুম কি খেতে চাও হুজুর ! মণিব ত আমার খাওয়াতে কাতর নয় । সাহেব বললে বেশ আমাকে খুষ্টমাসে কিছু তিতির খিলাও । আমি বললুম, তার আর ভাবনা কি !—হবে— ।

আনন্দ । বটে ! সাহেব খেতে চেয়েছে !

নিতাই । দেশে উইচিংড়ি খেতো, এখানে শোলা বটের খেয়ে খেয়ে পেটটা—এতখানি ফুলিয়ে ফেলেছে ।

আনন্দ । বেশ বড়দিনে তাহ'লে সওগাদের ব্যবস্থা কর ।

নিতাই । হুকুম হ'লেই করব—সাহেব কি কি খেতে চায়, আগে জেনে আসি ; তারপর আপনাকে বলবো ।

আনন্দ । তাহলে আর দেরী করনা—কি খেতে সাহেব পছন্দ করে জেনে এস । শারদা এখন আমি তা হলে চললুম ; সময় হ'লে বলবো ।—

(উভয়ের প্রস্থান)

শারদা । কি করবো, ওঁরই টাকা—ানবেধ করতে পারি না । নইলে এত টাকা আমানত রেখে চাকরী করা আমার কেমন পছন্দ হচ্ছেনা । ওরা বসন্তের কোকিল যতক্ষণ সুবাস ততক্ষণ আছে, একটু জাড় লাগলে কোথায় উধাও হয়ে যাবে তার ঠিক কি ! যাক্ উনিহিত উপার্জক—কিন্তু এত উপার্জন ক'রে হল কি ! একি ছাই যা আসছে তাতেই কুলোয়না । বাইরে ঠমক বজায় রেখেছি, আর কোনও রকমে কাগজ ক'খানি আটকে রেখেছি । নইলে ধরতে গেলেত কিছুই নেই । ওঁর শরীরের ওপর নির্ভর—আজ চাকরী গেলে কাল হাহা ! তাইত ক্রমে ক্রমে দেশের অবস্থা হল কি ! সব কথা কি ঠুকে বলি—এই খুচরো হাত ধরচ তারই নাগাড়

মারতে পারি না । আমার এই টাকাতেই এই—আর যারা বিশ
পঁচিশ টাকার চাকরীতে পাঁচ সাতটা পোষণ করে তাদের কি করে
চলে—(নেপথ্যে কোলাহল) ওরে গোলমাল কিসেররে—গোলমাল
কিসের ? ওঝী-ঝী ! (ঝীর প্রবেশ)

ঝী । ওগো বাবুকে মেরে ফেললে—ওগো বাবুকে মেরে
ফেললে !

শারদা । মেরে ফেললে কিরে ! কে মারলে—কে মারলে
রে !—

ঝী । ওগো দেখবে এসগো—ওগো সর্বনাশ—কি হ'ল গো !

শারদা । কে মারলে রে ?

ঝী । ওগো একদল গুণ্ডা—কিল ধুঁধী চড় চাপড়—কি হ'ল
গো ?

শারদা । সেকিবে ! সেকিবে ! মেরে ফেললে কিরে ?

ঝী । ওগো দেখবে এসগো—কি হল গো !

শারদা । ওমা—একি হল !



ভূতের বেগার ।

দ্বিতীয় দৃশ্য ।

পথ ।

উমেদার পত্নীগণ ।

উঠে বিছানা থেকে, জল দিয়ে গো চোখে,

বাবুয়া বেরিয়ে গেছে কখে ।

খুদ কুঁড়ো যে যেখানে যা

পায়ের উপর দিয়ে পা

(বাবু) সব খেয়েছে ব'সে ব'সে বিষয় দেছে ফুঁকে ।

এখন ঘরে অঁঠ রস্তা

যা করেন মা জগদম্বা

শুনবে যেথা চা মরী খালি প'ড়বে সেথা তাল ঠুকে ॥

তৃতীয় দৃশ্য ।

আনন্দের বহির্কীর্টি ।

আনন্দ ও তৎপশ্চাৎ উমেদারগণ ।

সকলে । বাবু আমাদের এজেণ্টো—বাবু আমাদের এজেণ্টো !

আনন্দ । যাও—যাও—চলে চাও—এখন যাও—এখন আমি
কারণ কথা শুনতে পারবো না ।

সকলে । (বাবুর জয় হ'ক ধনে পুত্রে লক্ষ্মীলাভ হ'ক । দয়া
কর বাবু দয়া কর । পাঁচ ছেলে সাত মেয়ে না খেয়ে মরে যাবে—
মরে বুড়ো মা—ইত্যাদি আবেদন)

আনন্দ । এখন যাও এখন যাও—এর পর শুনবো ।

(কেহ আনন্দের হাত ধরিল, কেহ পৈতা জড়াইল, কেহ পা ধরিল, আনন্দ পড়িয়া গেল । আনন্দকে ঝেরিয়া কেহ নৃত্য করিতে লাগিল)

আনন্দ । আঃ ছাড়—হাঁপিয়ে মবি ছাড় ।

সকলে । কি আনন্দ—কি আনন্দ কি আ—(বারবার উচ্চারণ)
(নিতাইয়ের প্রবেশ)

নিতাই । হাঁ-হাঁ—বাবুর হাঁফ এসেছে—হাঁফ এসেছে ।

আনন্দ । ওরে বেটা সদা ! সদা—

নিতাই । ভাগো-ভাগো—বাবুকে—হাঁফ ছাড়তে দাও—হাঁফ ছাড়তে দাও ।

(বেগে ঝী ও শারদার প্রবেশ)

ঝী । ওই দেখ গো—মেরে ফেলেছে গো ! মেরে ফেলেছে গো ।

শারদা । তাই ত ! একি ! ওরে কে আছি—বাবুকে মেরে ফেললে যেরে ।

১ম উ । ওরে মা !

সকলে । ওরে মা-মা—অন্নপূর্ণা মা !

১ম উ । সে কি মা ! আমরা মেরে ফেলবো কি মা ! বাবু আমাদের প্রাণ—আমাদের অন্নদাতা ! আমরা বাবুর সেবা করছি ।

আনন্দ । ওরে সদা—হারামজাদা পাজী গাধা সদা—

নিতাই । যাও—এখন নয় ভাগো ভাগো !

(সদারামের লাঠি লইয়া প্রবেশ)

সদা। কি, বাবুকে কে মারে—উমেদারী করতে এসে বাবুকে ধুন করতে এসেছ। ভাগো-ভাগো !

(উমেদারগণের প্রস্থান)

শারদা। কি, ব্যাপারখানা কি !

নিতাই। কিছু নয় মা ! ও সব বাবুর আফিসের উমেদার। আরও কত আসবে—বাবু আমাদের এজেন্ট ! মা কত আসবে—

শারদা। আসবে বলে কি এমনি ক'রে উৎপীড়ন করবে।

নিতাই। এখন উৎপীড়নের হয়েছে কি মা ! অত্যাচার ত এখন সব পড়ে রয়েছে। এর পরে দেখবে পা চেটে বাবুর পায়ে একপুরু ছাল তুলে দেবে। বাবুর কি আর যে সে পায়। লাথোর ভেতর ছ একজনের এরকম পায় হয।

শারদা। (আনন্দকে ধরিয়া) লেগেছে কি ?

আনন্দ। হারামজাদা ! সদা !

সদা। বাবু !

আনন্দ। তোকে না বারণ করেছি, আমার হুকুম না নিয়ে কাউকে ছাড়িনি !

সদা। কাউকেও ত ছাড়িনি বাবু !

আনন্দ। ওরা তবে বাড়ীতে ঢুকলো কি করে ?

সদা। ওরা জ্যাপেছে—ওরা কি মানা মানে। আটকে দিলাম ত তড়াক তড়াক ক'রে মাথা ডিঙ্গিয়ে চলে এলো।

কাঁ। মাথা ডিঙ্গিয়ে এলো ! ব্যাটা বাঙ্গাল—কলকেতার তিরকুটবিচি খেয়ে রস হয়েছে ! জ্বাকা বোঝাতে এসেছো।

নিতাই । আহা হা, ! মূর্খু মূর্খু—বাবুর এত মান বুঝতে পারেনি । মূর্খু—মূর্খু—

ব্বী । হাঁ বুঝতে পারেনি—ব্যাটা ঘুষ খেয়েছে—পরশা নিয়ে ওদের ছেড়ে দিয়েছে । ব্যাটা বাকাল ।

সদা । দেখ্ বেটী গাল দিসনি—দেখদেখি মা ! মিনি অপরাধে আমারে গাল পারছে ।

শারদা । যা—বাইরে যা ! এমন ক'রে আর ঢুকতে দিসনি—বাবুর যে প্রাণ গিছিলো ।

আনন্দ । গিয়েছিল কি গিয়েছে—ও বাবা ! মুচ্ছদী হওয়া ত বড়ই বিপদ ! সারো—ধরো—আর মনে মনে আমার অবস্থাটা ঠিক কর ।

শারদা । তা ভগবান তোমার কাছে পাঁচজনের অঙ্গের জোগাড় রেখেছেন, তারা আসবে না ?

নিতাই । এই আমার মা না হ'লে এ কথা বলে কে—মা আমার অল্পপূর্ণা । আসবার জন্তে ভগবান বাবুকে বড় কবেছেন, আসবে না ! পা চাটার চোটে পা ক্ষরে যেদিন বাবু হাঁটুতে হাঁটবেন, সেই দিন মুচ্ছদিগিরি মানাবে ।

আনন্দ । দেখ্ সদা ! এবারে যদি আমাকে না জানিয়ে হট্ট বলে মাহুষ ঢোকাস্, তা হ'লে তোমার বরতরফ ।

শারদা । নাও—ওঠ ।

ব্বী । শুধু বরতরফ—ঝাঁটা মেরে বিদেয় করে দেবো ।

(শারদা ও ব্বী আনন্দকে লইয়া প্রস্থানোত্তত)

আনন্দ । আর দেখ্ এবার থেকে আমাকে বাবু বল্বিনি—হজুর বলবি !—

সদা । য্যা আজে ! হজুর ত কই ।

আনন্দ । কই না—কেবল হজুর কইবি—বাবু বললেই
জরিমানা ।

নিতাই । আর থোকা বাবু কেবলবি—ছোট হজুর—খুকী
বাবুকে বলবি মিশিবাবা ।

সদা । য্যা আজে ।

আনন্দ । শুধু য্যা আজ্ঞা নয়—মনে করে রাখ—

সদা । রাখছি ।

নিতাই । আর মাকে মেম সাহেব বলবি । আর বী বেটীকে
বলবি আয়া ।

বী । পোড়া কপাল ! আয়া তোর মাগ হোক—আমি
বষ্টুমের মেয়ে আয়া হ'তে যাবক্ কেনে ?

নিতাই । কাজে হবি কি বেটী, নামে হবি । কাপড়খানা একটু
ঘেঁরাটোপ করে পরবি ।

বী । না বাবু ! আমি আয়া হতে পারবো নি ।

শারদা । মেমসাহেব হ'ব কিগো ! হিঁজুর মেয়ে ও সব কি !

আনন্দ । হ'তে হবে । ব্যাপারখানা কি বুঝতে পারছ না—
আমার সম্পদটা কি হ'ল দেখলেনা—এ কি যে সে বাঙ্গালীর
হয় ! উমেদারী করে পা ধ'রে ধ'রে চব্বিটা খোঁড়া ক'রে দিয়ে
গেল !

শারদা । চল—চল—পায়ে চুণ হলুদ দিইগে । আহা হা পা-টা
ভেঙ্গে দিয়ে গেল গা !

আনন্দ । এতে বোঝ শারো—বোঝ—দেশটার কি অবস্থা
হয়েছে বোঝ ।

(নিতাই ইঙ্গিতে ঘুষের অংশ লইবার চেষ্টা—উভয়ের ইঙ্গিতাভিনয়)

আনন্দ । আর দেখ নিতাই, একটা খেত পাথরে আমার নাম খুদিয়া আন, এন, ডি বানরজী । আনন্দ নামটা পাড়ার্গেয়ে পাড়ার্গেয়ে, ও আর রাখছি না ।

চতুর্থ দৃশ্য ।

হেদোর ধার ।

সহর রঙ্গিণীগণ ।

হুখ এলো আন গেল ।

দৈতোর হাসি হেসে যেমন সোঁদামিনী মিলালো ॥

সোণা দানা পর'বো ব'লে এলুম সহরে,

কুলের মুখে কালী দিয়ে বুচ্‌কি নিয়ে—

বেল তলাদে কুল তলাদে রাত ছপুয়ে অ'ধারে—

এসে ছ'দিন তুম ভুড়াকি—দেহ ফুলে হোল গোলালো ।

তার পরেতেই তারক নাথ—

হবিষ্যি আর পাখা ভাত—

তারাগোণা সারারাত একি হায হোল ॥

হ'লো পা সর আর হাত নলু

শেট গজন্দর গাল ফুলু,

এবার, একটু খানি চড় লে মাত্রা যাত্রা ফুরলো ॥

পঞ্চম দৃশ্য।

রাস্তা।

মুরলীধর ও মুকুন্দ।

মুরলী। ও মুখুজা! এ হইল কি! এত করিয়াও ত
আনন্দের সন্ধান পাইলাম না।

মুকুন্দ। ব্যস্ত হও ক্যান! একি তোমার কোতলপুর বে
দেশের মানুষ সপ্তগ্রামবাসীর সংবাদ রাখবে। এ কলকত্তা—এখানে
এ বারি ও বারির সমাচার রাখে না।

মুরলী। তবেই ত বিপদের কথা হইল মুখুজা। আনন্দের
যত্নপি-পীড়া হয় ত প্রতিবাসীতেও সংবাদ রাখবেন না। আনন্দ
বাঁচিবেন ক্যান।

মুকুন্দ। যখন আনন্দ এ দেশে বাস করচে—তখন একটা
বসন্ত ত হইচে। তুমি আনন্দ আনন্দ করিয়া বাউরা হইচ
আনন্দ তোমার কি সংবাদ রাখাচ।

মুরলী। আহে ভাই—মায়া নীচগামিনী হইয়া সর্বৈব নষ্ট
করচে। আমি আনন্দ আনন্দ করিয়া উন্মাদ হইলাম, আনন্দ
হইবেন ক্যান? শাস্ত্রত এমন কথা লিখছে না।

মুকুন্দ। ক্ষণেক এইস্থানে অপেক্ষা কব। আমি একটু অগ্রসর
হইয়া সন্ধান লইয়া আসি।

মুরলী। সাবধান হইয়া পথ চলবেন। পথে পদ বারাইলাম
তো বিপদ যেন হাজার বদন বাহির করিয়া আমাগোর গ্রাস করবার
লগে ছুটিয়া আইল। বক্ষণ কর গোবিন্দ—এমন দেশেও মানুষে
বাস করতি আইসে। সম্মুখে দেখলাম ত পশ্চাতে গুতা থাইলাম—

পশ্চাতে চাইলাম ত অমনি এক শালা ঘারে—যেমন ব্যাঘ্র হরিণ শিকার করে—এমনি করিয়া ঝাপাইয়া পড়লো ।—পথের মধ্যেতে ধর্ম্মরাজ হা করিয়া আর চিত্রগুপ্ত খাতা খুলিয়া বসিয়া । পা দিলাম তো ব্যাতির মধ্যে চললাম । যম নানা মূর্ত্তি ধরিয়া মানুষ খাবার লেগে ছুটাছুটি করচে । ছ্যাকরা ঘব ঘর করচে, টারামারা ট্যাং ট্যাং করচে—আবার এক শালা বুনা গুকের মতন ভোঁ ভোঁ করিয়া ফরব্ করিয়া ছুটিয়া চলছে—হা মুকুন্দ মুখুয়া—কইবার পার, আমাগোর দ্যাশে যম-রাজার এত আধিপত্য হইল ক্যান ? বান্ধালী কি মদিয়া বৃত্ত হইবা ।

মুকুন্দ । আরে মরচে কই ! তুমি কেবল মরবারই তাথো—যেমন শালার হাওয়ার গারি ভোঁ করিয়া আইচে, অমনি রাহিজন পৌঁ করিয়া পালাইচে—এ তো যমে মানষে লুকোচুরি হইচে । মরচে কই ! মরণ হইলে ত ভালোই হইত । টাকাগুলোর শ্রদ্ধ হইছে দেখিচ না ! আমাগোব রাধানগরে রতিসার পুতি পঞ্চাশ সহস্র মুদ্রা ব্যয় করিয়া একটা হাওয়ার গারি আনিলো—গারি আনিয়া ক্যামন শালার পুত্ তার উপর আরোহণ করলো—অমনি বোঁ বোঁ করিয়া গারি ছুটলো । আমাগোর দেশ ত আর কলকাত্তা নয়—ক্যামন বোঁকা ছাওয়াল ফুর্তি করিয়া গারীর মোর কিয়াইতি ঘাইবন, অমনি ঝপাঙ করিয়া এক ডোবার মধ্যে—গারি এমনি হইয়া—বাবাজী এমনি হইয়া—আর শালার চালক তেমনি হইয়া পঙ্কের মধ্যে—বাবাজীউরা পঙ্কমাথা বৃত্ত হইয়া—মাথা হেঁট করিয়া ঘরের ছাওয়াল ঘরেই ফিরলো—পঞ্চাশ সহস্র মুদ্রা ন দেবার ন ধর্ম্মায়—জলসাৎ হইল । বাকুয়া আমাগোর দেশে কি আর মানুষ আছে । কতকগুলো নাবালকে দেশ ভরিয়া গেছে । যা নুতন

দেখবেন, অমনি অন্ধ হইয়া তাই কিনিবার লগে ছুটিবেন—ওই পঞ্চাশ সহস্রে অন্ততঃ দশটা দিবী খনন হইত—দেশের প্রজা জল খাইয়া বাচিয়া যাইত ।

মুরলী । ভাদ্র মাসে কৃষ্ণের জন্ম হইল—আর পৌষ মাসে হইল কৃষ্ণমাস—এ হইল কি মুকুন্দ ! পাঁজি পুথি কি ওলট হইয়া গেল—

মুকুন্দ । তাতে হইতে কি—পূজা নাই—পার্বণ নাই—কেবল আমাগোর দেশের কমলার শ্রাদ্ধ হইছে । জন, অপেক্ষা করেন, আমি একটু আঙু বাড়াইয়া তোনার ভ্রাতৃপুত্রের সম্বান করি ।

মুরলী । সম্বান মিলে ও রইব । নতুবা অতুই পাপ কলিকাতা ত্যাগ করিয়া কাশা যাইব । আব এখানে রইব না । কালীদর্শন হইল—মা গঙ্গায় প্রাণ ভরিয়া অবগাহন হইল, আর এখানে রইবার প্রয়োজন কি !

মুকুন্দ । ক্রুদ্ধ হও ক্যান—মরণান্তে পিণ্ড পাইবেন—ভ্রাতৃপুত্রের পুণ্যতা—পত্রের উপর ক্রুদ্ধ হইলে কাম চলিবেন ক্যাঁধা ।

মুরলী । আরে খোণ্ড পুত্র ! আমি মরলাম কি বাঁচলাম—সেকি এযাবৎকাল সংবাদ লইল । জ্যেষ্ঠ কলকাতায় বিবাহ করলেন । আমাগোর ত্যাগ কবিয়া কলকাতায় আইলেন । আমি চরণ ধরিয়া কতই না রোদন করচি—ভাই কথা না শুনিয়া স্ত্রীর মতলবে দেশ ত্যাগ করলেন । কলকাতা হইয়া, জোন্মস্থান ত্যাগ করলেন ।

মুকুন্দ । আরে ছি ! ভাই কি মানুষের কাজ করচে । আমরা বাল্য বন্ধু ; আমাগোর বিস্মৃত হইল !

মুরলী । কওত মুখ্যা—মন কিসের লগে ভ্রাতৃপুত্রের প্রতি আসক্ত হইবে !

মুকুন্দ । তবে ভাতুস্পুত্র—পিণ্ডাধিকারী হইয়াই ত গোল বাধাইচে ।

মুরলী । হঃ—ওইটাইতেই ত গণ্ডগোল বাধে—আমি পলাতক হইবার পারছি না । বিশেষতঃ ব্রাহ্মণী মৃত্যুকালে বিশেষ করিয়া অমুরোধ করতেন, আনন্দকে বিষয় হইতে না বঞ্চিত করা হয় । একারণ আনন্দের সন্ধানে আঁটছি । নতুবা আমি ত পোষ্যপুত্র লইবাব আকিঞ্চন করছিলাম—গৃহিণী কইল ভাতুস্পুত্র বস্তুমানে পোষ্য লইবন ক্যান । অধর্ম হইবা ।

মুকুন্দ । তোমার গৃহিণীর গুণ কি একমুখে কইবাব পারি—
তিনি সাক্ষাৎ সত্যী ছিলেন—

মুরলী । আরে হইচে কি ভাই—আনন্দ যখন শিশু ছিল—
তখন তাব জননী'ব কঠিন পীড়া হইছিল । ব্রাহ্মণী সেই সময় শিশু আনন্দকে বক্ষে করিয়া মানুষ করছিলেন—তদবধি মায়ামুগ্ধ হইয়া আনন্দের লেগে কাতর ছিলেন । মৃত্যুকালে আনন্দ আনন্দ করিয়া দেহত্যাগ করছেন ।

মুকুন্দ । মৃত্যুর পর তিনি আনন্দই পাইছেন ।

মুরলী । সেই কারণে আনন্দের সন্ধান করছি । কতবার পত্র দিলাম আনন্দ উত্তর দিল না । আর দেখ মুখুখ্যা জ্যেষ্ঠ কলকাতায় আসিয়া কি রাজত্ব পাইচে দেখাবাব বরই কৌতুহল হইচে । অমিত পৈত্রিক সামান্য সম্পত্তি হইতে ব্যবসা তেজস্বিত করিয়া ত্রিশ সহস্র মুদ্রা আয়ের সম্পত্তি করলাম । তাই ভাতুস্পুত্র কি করলো জানিবার বরই কৌতুহল হইচে । শুনলাম ভাই বড় আপিসে চাকুরী করলেন—আনন্দও একটা বড় কোম্পানীর বড় শাবু হইবে—মুকুখ্যা আমি চাষ ব্যবসায়ে কি করলাম আর

ষোষ্ঠ চাকরী করিয়া কি করলেন, একবার মিলাইব। দাদাত
আমাগোর দুঃখী রাখিয়া চলিয়া আইছেন।

মুকুন্দ। তুমিত স্বনাম ধন্য ভাগ্যবান—তোমার তুল্য পুরুষ
কয়টা আছে। ক্রণেক অপেক্ষা করেন—আমি অগ্রসর হইয়া
সন্ধান লই।

মুরলী। আমি যে ধনো হইছি একথা বেটায়ে কই নাই—
ধনের সংবাদ পাইলে কত শালাব পুত আসিয়া আশ্বীয় হইতে
চায়। একারণ আনন্দকে ধনের সংবাদ দিই নাই।

মুকুন্দ। অপেক্ষা করেন—কুত্ৰাপি যাইবেন না—

মুরলী। সাবধানে যাইবা পথ হারাইলে, কাশীবাসের
পরিবর্তে হাঁসপাতাল বাস হইবে।

মুকুন্দ। আরে ভীত হও ক্যান—আমি হপ্তবার কলকাতায়
আইচি।

(প্রস্থান)

মুরলী। এত ক্রোধ করছি, তবু মায়াতো ত্যাগ করতি
পারছি না। হা গোবিন্দ! আনন্দের বরে কি আনন্দ লুকাইছ—
কিছুই বুঝলাম না—নইলে কাশী যাইবার লেগে চরণ বারাইয়া
পটলভাঙ্গার পক্ষে মধ্য হইছি। সর্বত্রই পঙ্ক—শালার ভাঙ্গাকে
পটোল কইলাকে! হুর্গন্ধে পথের মধ্যে দারাইবার সাধ্য কি—
আনন্দ রে? তবু তোর লেগে জীবন্ত এই নরক ভোগ করছি।
শুনছি আনন্দের পুত্রকন্যা হইচে—শালা আর শালীর জন্য
কিঞ্চিৎ অর্থ সাথে লইছি—আর মুখ্যজ্যেকে গোপন করিয়া লক্ষ
মুদ্রার নোট পাকরীর মধ্যে রাখছি—পূজ্যবধুকে দেখিয়া তার
হস্তে দিয়া মুখদর্শন করবো।

ষষ্ঠ দৃশ্য ।

নিতাইয়ের বাটার জুখের গলি ।

(গৌরমণি, নিতাইচাঁদ)

নিতাই । পেটে খেতে পাচ্ছি—মাগী এই ঢের । আবার সামিজ । মোট পোনেবো টাকা মাইনে তাতে তিনটে পেট খেতে—আট টাকা চালের মন । ভাগ্যে নন্দবাবুর নজরে পড়েছিলুম, তাইভে ছুপয়সা এদিক ওদিক থেকে পেয়ে মান সম্মম বজায় রেখে চলছি ।

গৌর । তবে কি শীতে হি হি করে মরবো ?

নিতাই । আরে পাগলী ! এখন হগ সাহেবের বাজারে চলেছি । বাঁড়ুয়ে সাহেব সাহেবদের বড়দিনের ভেট দিবে । হু পাঁচজন ইয়ার বকসীও থাকবে । যে সব গরম গরম তাজা জিনিষ আনবো, তার কিছু কি বাড়ীতে না রেখে সব নিয়ে যাব । তার একটু আধটু মুখে দিলেই শরীর গরম হয়ে যাবে । এই পৌষের শীতে পাখার বাতাস খেতে হবে ।

গৌর । পোড়া কপাল ! সেই স্নেচ্ছ জিনিষগুলো মুখে দিতে হবে ।

নিতাই । আরে দূর পাগলী ! স্নেচ্ছ তোরে কে বললে—ভেড়ার মাংস গ্রামফেড-ছোলাথেকো খাঁটি নিরিমিষ—কপি, মটর, কমলা চিংড়ি একখানি খোলা—আঁশ নেই—এর স্নেচ্ছ কোনখানটায়—তার ওপর পাটনেয়ে পেরোজ—তোফা কালিয়া করবি বুঝলি ।

গৌর । থু থু পেরোজ কি হবে ।

নিতাই । কেন, থু কেন ? পাটনা—পাটলীগুজ—রাজা

অশোকের রাজধানী—বাবা অহিংসা পরমোধর্ম—থু কেন
চাঁদ—পাটনাই গৌরাজের তুল্য নিরিমিষ পদার্থ কি জগতে আছে।

গৌর। না না ওসব চাইনা—তুমি আমার জন্ত একটা সামিঙ্গ
আর মেয়ের জন্ত একটা ফেলানেলের বাঘরা আনবে।

নিতাই। দেখি যদি হিসেব ক’রে, পয়সা বাঁচে।

গৌর। ও আমি শুনেই চাই না। যা আনবার তা আনবে
—তা ছাড়া ওতটী আনা চাইই-চাই।

নিতাই। আচ্ছা দেখা যাবে। তুই দরজা দে—

গৌর। দেখা যাবে নয়—তা হলে কি বাবুর মোসাহেবী কর।

নিতাই। দরজা দে—দরজা দে—কে একজন দাঁড়িয়ে আছে।

গৌর। থাক্‌না, আমি কি অত্যা কবছি।

নিতাই। ওরে বিদেশী—বিদেশী—তায় অত্যা বোঝে না—
দেখলেই হুম্ম ভাববে।

গৌর। তা ভাবুক—হরিবাবু তার স্ত্রীর জন্তে পঞ্চাশ টাকা দে
একটা পশমী বডি এনে দিয়েছে।

নিতাই। এনে দিয়েছে মাথা কবেছে—কি করে এনেছে তা
জানিস?

গৌর। আমার জানবাব দায় পড়ে গেছে।

নিতাই। সে কি গৌর—গৌর হে—আমি যে তোমার নিতাই
চাঁদ। মন মজান গৌরমণি। তুমি যে আমার সহধর্মিণী—আমার
উদ্ধার কার্যে যে ছ’ একটা ঝড়তি পড়তি বাদ থাকবে, তার উদ্ধার
যে তোমাকেই করতে হবে, তবে তোমার না জানলে চলবে কেন?
কি করে এনেছে—একবার দেখবে! (হাওনোট বাহির করিয়া)

গৌর। কি ও—

নিতাই । আরে দেখনা—পড়তে শুনতে জান—ডাৰডেবে চোক ছটো আছে পড় না ।

গৌর । ওমা তোমারই কাছে !—হাওনোট ।

নিতাই । শুধু কি আমার কাছে—মোট পঞ্চাশ টাকা মাইনে—আট টাকা চেলের মনে আটটা পেট খেতে, তাতে কি আর স্ত্রীর বডিশ চলে—দেনায় চুল বিক্রী । আমি যদি অসময়ে মরি, তাহলে তোমাকেই যে হামুয়াই হয়ে মামলা করে টাকা আদায় করতে হবে ।

গৌর । তা যদি জান—তা'হলে পোড়াকপালে মিনসে শুধু হাতে টাকা ধার দিলে কেন ?

নিতাই । শুধু ! দেখ না মাগী, তারপর 'হাউ চাউ করিস । এক বছরে শুদে টাকা আদায় হয়ে যাবে ।

গৌর । দেখো, সাবধান থেকে—যেন আসল না মারা যায় ।

নিতাই । সে তোমাকে বলতে হবে না । আমাকে কি তুমি হরিবাবুর মতন হতে দেখতে চাও । সে পঞ্চাশ টাকা মাইনের কেরাণী আর আমি পোনেরো টাকা মাইনের সরকার'হু পরসা উপরি আছে বলে, মান সন্ত্রম বজায় রেখে চলছি । নইলে দিন কাল যে রকম পড়েছে, তাতে চাকরীতে কি আর কারও পেট চলবে মনে করেছ । গৌরমণি এখন নাকে মুখে হুমুটো গুঁজে কোনও রকমে জীবন ধারণ কর । ওসব সামিজ্ঞ কামিজের কথা ছেড়ে দরজা দাও । আমার বেলা হয়ে যাচ্ছে ।

(সদারামের প্রবেশ)

সদা । ও বাবু ! তুমি এখনও দারিমে-আহ, হজুর যে তথী করচে ।

নিতাই। এই যে—এই যে—আমি একবারে শ্রীহর্গা বলে পা বাড়িয়েছি দরজা দাও—দরজা দাও।

সদা। বাবু আপনকার সাথে কি একটা কইবে। তুমি শিগ্গির চল।

গোর। তবে সুবিধে মত—যদি পার—না আনলেও দোষ নেই আনলেও নিষেধ নেই। (দ্বার কুদ্ধকরন)

নিতাই। সে তোমাকে বলতে হবে কেন।

সদা। কি আনবে বাবু?

নিতাই। আরে রাম বল কেন কও—ঝঞ্জাটের কথা কেন কও—মেয়েটার জন্ত লবঙ্গুস আনতে হবে—এই তার ফরমাজ আর কি! নাও চল চল—বাবু কি বকছেন সদারাম?

সদা। আপনার যেতে বিলম্ব দেখে ব্যস্ত হচ্ছেন। বড় দিনে কাকে কি দিতে হবে তার ফর্দ করবেন।

নিতাই। ফর্দ ত পড়ে আছে, তার আবার করতে হবে কি—ড্যাপল সাহেব একশো লেবু—পাঁচটা বটের ছুটো কাদাখোঁচা—বসু, বাউএল সাহেবেরই একটু হাঙ্গাম ছুটো পেরু—ছুশো বটের আর আড়াইটা ভেড়ায় তার টিফিন হবে। তা সব ঠিক করে দেবো—নাও চল চল—

(মুরলীর প্রবেশ)

মুরলী। মুনায় কইবার পারেন—

নিতাই। না বাবা এখন পারেন না।—এখন কুসমাসের বাজার করতে চলেছি। নে আর সদা—

মুরলী। আরে বিটা কর কি—একটা কথা কইবার অবসর নাই।—

নিতাই। না—না—বড়দিনের কথা কি মিনি পরমায় হয় ।

মুরলী। আরে ভাই—পোষ মাসের দিন ত বৎসরের সকল দিন হইতে ছোট হইল—তবে বড়দিন হইল কান্দা—আমাগোর দেশের ছোট দিন কি কলকাতার আসিয়া লম্বা হইল নাকি !

নিতাই। হইল বইকি মশায় একটা পুঁটে দিন কুশচানের পরব—তাকে হিঁদু, মুসলমান, জৈন, পারসী, কুশচান ভারতে বেখানে যে জাত আছে, সবাই প'ড়ে টান দিচ্ছে, কাজেই না বড় হয়ে আর করে কি ! টানের চোটে রবারের মতন চড়চড় করে বেড়ে গেছে ।

মুরলী। বেশ ভাই বেশ—ভুনিয়া সস্তুষ্ট হইলাম—আর তোমার পুত্র কটার খাণ্ডের জ্ঞাত যৎকিঞ্চিৎ দিলাম ।

নিতাই। বা ! এ ত ভারী মজার লোক—মশায় কোথায় আপনার যাওয়া হবে ?

সদা। সে আমি পুছ করছি—আপনি যান ।

নিতাই। আচ্ছা ভাই ! তুমি এ'র সঙ্গে দু'টো কথা কও ত—মশায় দয়া করে আমাকে যা দিলেন এই আমার যথেষ্ট—

সদা। বলি যাওনা বাবু ! (স্বগত) কেবল ফাঁক মারতে চাও ।

নিতাই। আরে যেতে ত লেগেইছিরে ! আমি কি দাঁড়িয়ে আছি । মশায় ব্রাহ্মণ—

মুরলী। হঃ—

নিতাই। প্রণাম—প্রণাম—

মুরলী। তোমার বধু কি আনিবার আদেশ করছিল, আমি অন্তরালে দাঁড়াইয়া শুনলাম ।

নিতাই। বটে—বটে !—সদা—সদা—ভাই ! ঠাকুরকে ধরে

নিরে যাও—আমার ঘরে নিয়ে যাও—ঠাকুর অন্তরালে বধু দেখেছেন ।

জীকে বল—ঠাকুর—আমার ঠাকুর—

মুরলী । তোমাদের কথা শুনলাম—শুনিয়া -বিস্মিত হইলাম ।

তুমি ত স্বামী—আবার পরমা দিয়া স্বামী কিনিয়া আনিবে কি !

নিতাই । হা হা (হাস্য) রগড় আছে—বাবাঠাকুর ওতে একটু মজা আছে—এসে বলবো ।

মুরলী । বেশ—ফিরিয়া আইস—ওই অর্থ বুঝিবার জ্ঞান আমার কিছু কৌতুহল হইতে ।

নিতাই । যে আঙুর (প্রণাম) তাইত ! কি সুপ্রভাত—কি সুপ্রভাত ! আমার ত সত্য সত্যই বড়দিনের !

(প্রস্থান)

সদা । এ ত দেখছি আমার দেশেরই লোক । আমি কিন্তু বাবুর কাছে থেকে কলকাত্তাই হইচি ! ধরা দেওয়া হচ্ছেনা বাবা ।

মুরলী । ওহে বাবু ! তুমি কইবার পার, আনন্দ বাক্যখ্যা থাকেন কনে ?

সদা । আন্দো বাক্যজ্যো ? তার বাড়ী কমনে ?

মুরলী । পটলডাঙ্গায়—

সদা । পটলডাঙ্গায় ত ছশো আন্দো আছে—কোন গলি ?

মুরলী । কোন গলি—অর্থটা কি ? সন্ধু কও না প্রশস্ত কও ?

সদা । গলির নাম কি ?

মুরলী । হঃ—কও কি—এখানে কি গলির অন্তপ্রাশন, নামকরণ হয় নাকি ?

সদা । হয় বই কি—

মুরলী । তবে ত সাবালক গলি, সাবালক গলি আছে !

সদা । আছে বইকি ! ঠাকুর ! গলির নাম না জানলে এখানে কেউ তোমাকে আনন্দ বাক্য্যার কথা বলতি পারবে না ।

(মুকুন্দের প্রবেশ)

মুরলী । ও মুকুণ্ডা ! আনন্দের সাক্ষাৎ যে ভার হইল !

মুকুন্দের । ভার হইবে না—মিলচে চলি আইস—

মুরলী । হা গোবিন্দ মিলচে ! চলেন চলেন । হা গোবিন্দ !

এতক্ষণ পরে সদয় হইলে—

মুকুন্দের । একটু সভ্য হইয়া চল—ব্যস্ত হইবেন না—তোমার ভ্রাতুষ্পুত্র আনন্দ সভ্য—সাবধানে চলতে হইবে ।

মুরলী । অগ্রে ত চলেন—পরে সাবধান হইব ।

সদা । আনন্দ বাক্য্যার আপনগর কেতা হয় ?

মুরলী । ওরে শালা বাঙ্গাল তুমি কলকাত্তাই হইয়া আমাগোর সাথে চাতুরী করছ ।

মুকুন্দের । আপনগর নিবাস ?

সদা । আজ্ঞে পলাশপুর ।

মুকুন্দের । পলাশপুর ! ভীমভান্সা পলাশপুর ?

সদা । হঃ !

মুকুন্দের । পলাশপুরের কেতা—কার ছাওয়াল ?

সদা । আজ্ঞে হারাদন পরমাণিক ।

মুরলী । ও শালা ! শালায় বেটা শালা ! তুই হারাদন নাপুত্রির বেটা । তুমি শালা আমার প্রজা—কলকাত্তাই হইয়া তুমি আমাগোর সাথে রহস্ত করতিছ—

সদা । (ভূমিষ্ঠ হইয়া) আজ্ঞে রাজা কমা করেন । না বুঝে

কইছি—নাকে খৎ দিইচি—কর্ণ মর্দন করছি—আপনগর ও
খাইচি ।

মুরলী । নে চল—আনন্দ বাক্য্যারে দেখাইবি চল ।

সদা । মুইয়া ওনারে চিনিনা দেবতা !

মুকুন্দ । আরে আমি সন্ধান করছি, আসেন বাক্য্যা
আসেন ।

উমেদারগণ ও স্ত্রীগণ ।

পুরুষ । শুধু চাকরী চাকরী চাকরী—

স্ত্রী । বাবু ফ্যাটা বেঁধে নাটাই ঘুরে, দেখেন কেবল ফুল ঝুরী ।

পুরুষ । করে পাঁচ পাঁচটা পাশ,

স্ত্রী । বাবু বিজ্ঞাতে হাঁস ফাঁস,

পুরুষ । (এখন) ডোর কোপিন আর বহিবঁস—

স্ত্রী । বল হরিবোল হরিবোল হরি

পুরুষ । অনিত্য সংসার —

দাদা পুত্র কন্যা সূত্র হায়রে কেবা কার ।

স্ত্রী । তবে পেটটা বাধায় গঙগোল

(তাই) সিঙে ফুকে বাজাই থোল,

সকলে । একটু খানি আলি গলি ঘুরি,

বলি হরিবোল হরিবোল হরি ॥

দ্বিতীয় অঙ্ক ।

প্রথম দৃশ্য ।

(আনন্দের বৈঠকখানা)

মাষ্টার, সঞ্জীব ও পাটলা ।

মাষ্টার । নাও, ভাল ক'রে মুখস্থ কর । দেখো আজ ভুললে আমি তোমাকে বড়ই বকবো । নাও পাটলা ! তুমি কেবল লিখতে থাক ।

সঞ্জীব । কেন মাষ্টার মশায় । আমার কি মুখস্থ হয়নি ।

মাষ্টার । খুব হয়েছে—হয়নি কি বলছি । তবে আরও মুখস্থ কর । কেবল মুখস্থ কর । ভূগোলটা একেবারে ঠোঁটের ডগায় করে রেখে দাও । একজামিনের সময় পরীক্ষক জিজ্ঞাসা করতে না করতে যেন ফড়্ ফড়্ করে বেরিয়ে যায় ।

সঞ্জীব । ও বাবা ! ভূগোলটা কি লজ্জুক্স যে ঠোঁটের ডগায় ক'রে বসে থাকবো ।

মাষ্টার । না পার, গিলে ফেল—গিলে ফেল ।

সঞ্জীব । কি আমি কি রাক্ষস যে ভূগোল গিলে ফেলবো ।

মাষ্টার । আরে বাবা আপাততঃ আপাততঃ—তোমার বাপ যতক্ষণ বাড়ী—তারপর উগরে ফেলো উগরে ফেলো ।

সঞ্জীব । কি, ভূগোল কি সামান্য পদার্থ—তার ভেতরে কত দেশ কত মহাদেশ—দেশের ভেতর কত জঙ্গল—জঙ্গলে কত বাঘ ভান্ডুক—আমি ভূগোল গিলে ফেলবো !

মাষ্টার । আরে বাবা ! ঘণ্টাখানেক পরে উগরে ফেলো !

সঞ্জীব । কি আমার তাতে গলা চিরে যাবে না ।

মাষ্টার । কিছু হবে না বাবা ! মুচ্ছুদ্দির ছেলে তুমি—এরপর পাটের গাঁট খেয়ে হজম করবে—তোমার ও সাধাগলা—ওতে খগোল ভূগোল গগুগোল—সব সড় সড় কবে চলে যাবে—কিছু বাধবে না । নাও বাবা পড়—দশটা টাকা মাসে পাই, তাতে কষ্টে স্ট্রে বাসা খরচটা চালাই—কেন তাতে বাগড়া দাও ।

সঞ্জীব । মাষ্টার মশাই—আমি মুচ্ছুদ্দি হ'লে আপনাকে বিল সরকার করে দেব ।

মাষ্টার । দেবে বইকি বাবা ! বৈচে থাক—দেবে বইকি । তবে আমাকে এখন বাঁচিয়ে রাখ । একটু পড় বাবা পড়—

আনন্দ । (নেপথ্যে) সদা !

মাষ্টার । সর্বনাশ করলে—পড় পড়—

আনন্দ । (নেপথ্যে) সদা !

ভূতা । (নেপথ্যে) হুজুর !

মাষ্টার । পড়ো - পড়ো!—পড়ো!—

সঞ্জীব । কোন খানটা পড়বো ।

মাষ্টার । এই যে এইখানে পড়—বল ভলগা—ড্যানিয়ুব—

সঞ্জীব । ভলগা—ড্যানিয়ুব—ভলগা ড্যানিয়ুব—ভলগা ড্যানিয়ুব—
—ভলগা ড্যানিয়ুব ।—(মুখস্থ করণ)

পাটলা । আমি কি লিখবো—বেধিয়ে দাওনা মাষ্টার মশায়—

মাষ্টার । আর লিখতে হবে না—তুমি ২ ও পড়—বল ন্যায্য শয্যা—

পাটলা । ন্যায্য শয্যা—ন্যায্য শয্যা । (মুখস্থ করণ)

(কাচা খোলা অবস্থায় আনন্দের প্রবেশ ও পশ্চাতে হঁকা হাতে
উড়িয়া ভূত্য)

আনন্দ । দে তামাক দে—সদা বেটা কোথা গেল ?

ভূত্য । মোরত স্মরণ নই অছি মুনিম ।

আনন্দ । স্মরণ নই আছি—কি চক্ষু বুজ্ঞে আছি ! তাকে যে
নিতাই বাবুকে খবর দিতে বলেছিলুম ।

ভূত্য । সংবাদ দেইকুত যাউচি । যাউকিরি পথে রাজিবাস
করিছন্তি ।

আনন্দ । তোমার নাথা কবিছন্তি । তামাক দিয়ে শিগুগির
নিতাই বাবুকে ডেকে আন । সদা বেটা আকিসে খানসামা-
গিরি করে, ছপয়সা পেয়ে তিরিয়েছে দেখছি । সকালেই আমার
সঙ্গে দেখা করতে বলেছিলুম । ব্যাটার বাঙ্গালের বার ফটকা রোগ
হয়েছে । যা গানছা নিয়ে আয় ।

(ভূত্যের প্রস্থান)

(আনন্দের পাদচারণ)

মাষ্টার । পড়—পড়—

সঞ্জীব । ভলগা ভ্যানিযুব ।

মাষ্টার । আরে—ভলগা—ভলগা ।

সঞ্জীব । ভলগা ভলগা ।

পাটলা । ভলগা কি মাষ্টার মশায় ?

মাষ্টার । ভলগা একটা নদী ।

পাটলা । ভলগা একটা নদী—ও বাবা ! ভলগা একটা নদী !

মাষ্টার । হাঁ—এই আমাদের গঙ্গা যেমন একটা নদী—

পাটলা । কোথায় মাষ্টার মশায় ?

মাষ্টার । দেখবে—দেখবে ?

পাটলা । দেখাওনা মাষ্টার মশায় ।

মাষ্টাব । এই দেখ—(স্যাটলাস খুলিয়া) এই ভল্গা—এই ড্যানিয়ুব ।

পাটলা । ও বাবা—এই ভল্গা—মাষ্টার মশায় আমি ভল্গায় চান করবো ।

মাষ্টার । ও বাবা ! সর্দি হবে—সর্দি হবে—বড় ঠাণ্ডা জল—

সঞ্জীব । আমি সাঁতার কাটবো ।

মাষ্টার । বাপ্ ! বড় বড় কুমীর হাঁকরে আছে ।

আনন্দ । কি মাষ্টার, কি করছো ?

মাষ্টার । আজ্ঞে এই ভূগোল পড়াচ্ছি ।

আনন্দ । ওরা কেমন পড়ছে ?

মাষ্টার । আজ্ঞে পড়া কি—ছজনে পড়ে ভল্গায় বাঁপাই বুড়ছে ।

আনন্দ । বেশ, দুটো একটা কোশ্চান কর দেখি ।

মাষ্টার । যে আজ্ঞে—যে আজ্ঞে—বলত বাবা সঞ্জীব—
পৃথিবীর উত্তরে কি ?

সঞ্জীব । উত্তরে উত্তর মহাসাগর ।

মাষ্টার । বা ! বা ! বলে বাও বলে বাও—

সঞ্জীব । দক্ষিণে দক্ষিণ মহাসাগর—পূর্বে পূর্ব মহাসাগর—
পশ্চিমে পশ্চিম মহাসাগর ।

মাষ্টার । দেখছেন কি—একেবারে Blochman (ব্লক্‌ম্যান) ।
আচ্ছা মধ্যে ?

সঞ্জীব । ভূমধ্যসাগর ।

মাষ্টার । শুনছেন হজুর শুনছেন ।

আনন্দ । আচ্ছা—পৃথিবীর উপরে ?

সঞ্জীব । পৃথিবীর উপরে ?—উপরে ?

আনন্দ । হাঁ হাঁ—বল বল—উপরে চেয়ো না—উপরে সব ফাঁক । নীচে চেয়ে বল ।

সঞ্জীব । লোহিত সাগর ।

মাষ্টার । শুনুন হজুর—শুনুন ।

আনন্দ । কি—উপরে লোহিত সাগর !

মাষ্টার । আজ্ঞে আপনি যে বেলায় ওঠেন, তাই জানতে পারেন না । একটু ভোর ভোর উঠে ওপরে চাবেন দেখি । দেখবেন সব লালে লাল ।

আনন্দ । বেশ করে পড়াও ।

মাষ্টার । বেশ করেইত পড়াছি হজুর ! ছেলে মেয়ে একেবারে মুগ্ধবোধ । তা হজুর ! গরীব আপনার আশ্রয় নিয়েছি—একটু খানি আফিসে যদি গোলামকে কাজ করে দেন ।

(ভূতের প্রবেশ)

ভূত । হজুর ! মেম সাহেব আপনক ডাকুছন্তি ।

আনন্দ । বেশ, আজ হাতে লেখা একটা দরখাস্ত নিয়ে আফিসে যেয়ো ।

(ভূত ও আনন্দের প্রস্থান)

মাষ্টার । যে আজ্ঞে—যে আজ্ঞে—পড়—পড়—সঞ্জীববাবু—
মিশিবাবা পড়—English grammar is the art of

speaking ইংরাজী ব্যাকরণ হয় একটা কথা কইবার কৌশল—
ও ভাষা তোদেরও নয় মোদেরও নয় রে বাবা ! চার আনা পরমা
খরচ ক’রে চাকরীৰ সুবিধের জন্তে শিখা ।

সঞ্জীব । কথা কইবার কৌশল ! তা মাষ্টার মশায় গ্রামার না
কিনে একটা গ্রামোফোন কিনলেই ত চলে ।

পাটলা । হাঁ মাষ্টার মশায়—গ্রামোফোনে কত কথা কত গান ।

মাষ্টার । তাই কিনেই পড়ো বাপধন—তোমাদেব কি আর
এ কটকটে কেতাব মুগ্ধ করা সাজে ! তা বাবা ! একটু মনোযোগ
দিয়ে পড়—আনি একবার বাসায় যাবো—হজুর আজ কৃপা
করবেন ওনলে ত—

সঞ্জীব । যান মাষ্টার মশাই, তাই যান । আপনার ভাল হ’লে
আমরা সুখী হই ।

পাটলা । হাঁ মাষ্টার মশাই—বাবার আফিসে আপনার চাকরী
হ’লে আমরা বড় খুসী হব ।

মাষ্টার । তা হবে বর্হাক বাবা ! তোমরা বড় ঘরের সন্তান,
তাতে আমার ছাত্র—মাষ্টার মশায়ের ভাল হ’লে তোমরা সুখী
হবেনা ত কে হবে বাবা ! তা হ’লে বাবা আজ আসি—দেখো
বাবা আমি চলে গেলে যেন উঠে যেয়োনা—হজুর দেখতে পেলে
আমার চাকরীটুকু আর হবে না ।

পাটলা । কি পড়বো মাষ্টার মশায় ।

মাষ্টার । একটুখানি পড়লে—একটুখানি ছ’-ছ’ করলে—
কেউ না বুঝতে পারে, তোমরা পড়া ছেড়ে পালিয়েছ ।

সঞ্জীব । যে আজ্ঞে মাষ্টার মশায় ।

(মাষ্টারের প্রস্থান)

আর কি পাটলা ! বামুন গেল ঘর তো নাকল তুলে ধর । আর
আমার ধরগোসের বাকস খুলে দিইগে !—

(মুরলী ও মুকুন্দের প্রবেশ)

পাটলা । ও দাদা ! দেখ কাবা আসছে ।

সঞ্জীব । পড়তে বস—পড়তে বস ।

মুরলী । ও মুখুয়া ! আনন্দ কি বাড়ীই করছে রে ! আনন্দ ত
আনন্দেই রইছে দেখছি—

মুকুন্দ । কেন রইবোন না—তোমার ভ্রাতৃপুত্র—সে কি মূৰ্খ
হইবাব পারে !

মুরলী । বা—বা—এ যে বড়ই সুন্দর দেখছি ।

(সদারামের প্রবেশ)

হঃ ! তুই যে এখানে আইলি !

সদা । আজ্ঞা কর্ত্তা ! এ যে আমার মনিবের ঘর !

মুকুন্দ । আরে বেয়াকুব তবে আমাগো মিথ্যা কইলি ক্যান ।

সদা । কই মিথ্যা কইলাম ।

মুরলী । তোরে আনন্দ বাক্য্যার ঘর কোয়ানে শুধাইলাম না !

সদা । হঃ ! কইলেন ত !

মুকুন্দ । তবে শালা মিথ্যা কইলি না !

সদা । আপনি ত আনন্দ বাক্য্যা কইলেন । হজুর ত
আনন্দ ন'ন ।

মুরলী । আনন্দ ন'ন ! তবে কি ?

সদা । আজ্ঞা হজুরের নাম য়ান্-ডি বানরজী !

মুরলী । হাঃ, হাঃ—ও মুখুয়া—এ হইল কি ! আমগোর
আনন্দ কলকাত্তায় আইসা য়াণ্ডা হইল ।

মুকুন্দ। শুধু কি গ্যাণ্ডা হইল—কুকরার গ্যাণ্ডা হইল !
গ্যাণ্ডাও হইল—বানবও হইল—শুনচোনা বানরজী !

পাটলা। ও দাদা—এদিকেই আসছে যে !

সঞ্জীব। আরে আশুক না কি ক'রে দেখা যাক না ! তেমন
তেমন দেখলে ছুট লাগাবো।

পাটলা। ওরা কি বলছে দাদা !

মুরলী। হঃ ঝাথ—ঝাথ মুখুয়া ঝাথ—ছুইটা কমল পুষ্প
একটা কাষ্ঠাধারে প্রস্ফুটিত হইছে। মরি মরি ! সদারাম !
ও দুটি আনন্দর কে হয় রে !

সদা। আজ্ঞা কর্ত্তা—বেটা-বেটি।

মুরলী। ও মুখুয়া ঝাথ—লাতী লাতনী ঝাথ—

সঞ্জীব। ওবে—বাম্বাল রে।

মুকুন্দ। আরে তুমি দাথ—এমন বিজ্ঞাধরী নাতিন মিলছে—
তবে আর কাশীবাসী হ'লবেন ক্যান্।

সদা। হাঁ কণ্ঠা—হজুর আপনগর কে হ'ন।

মুরলী। ভাই বিটা হয় বে বিটা।

সদা। হঃ ! হজুর আমগোর দ্যাশের মাছুষ ! কইলেন কি !
অ স্বরূপ ! কোয়ানে ছিলি—একটা মজার কথা শুনলি না ?

(ভাত্যেব প্রবেশ)

ভাত্য। শুনিব কঁই—হজুর তুপর গোসা করিছন্তি ! ইয়ে
সদারাম ! হজুর নিগা হউছন্তি। তুপর নিতাই বাবু ডাকি আনিবার
কইলু, তু কৌয়াড় কইলু ! তু কঁইকে এস্তা বেলাক আইলু —

সদা। মাথা কড়ছন্তি !—হজুরের সাথে আমাগোর কি সম্বন্ধ
হালা উরিরার পোলা তা জানিস !

ভূত্য । মু—খারাপ করিছু কাঁই ।

সদা । আসন আন—ঠাকুরকে বসা—আমি হজুররি সংবাদ দিবার লগে চললাম । ঠাকুর—হজুরের খুঁ—পূজাজন—

ভূত্য । বাবুত সাব হইছন্তি । বাপের ভাইকত মোর দেশপর দাদা কইছু—

সদা । কইছুত—কইছু—দে ঠাকুরদের বসবার আসন দে—

ভূত্য । দাদা ব্রাদার হউছি, বাবু মানস্ক মাথা বিগড়ি যাউছি ।

আস—বাবু আস ।—মু—ধাঁইকিড়ি আসন আনি দেউছি ।

(প্রস্থান)

মুরলী । আর এখানে বসব ক্যান । গৃহ মধ্য চল—

সদা । আসেন—আসেন ।—

মুকুন্দ । কিরে শালী—আমাগোর বিয়া করবি !—

মুরলী । এত সুন্দরী হইছিস শালী—আমার ঘরের ধন বন্ধের ধন এত সুন্দর হইছিস—মধুর হইছিস—আর আমি বিরহ জ্বালায় জর জর হইয়া দেশ ত্যাগ করছি—কিহে লাভী—
হা করিয়া দ্যাখছ কি?

মুকুন্দ । বাঙ্গাল দেখিয়া ডর পাইছ ?

সঞ্জীব । তোমরা কে ?

সদা । মাইন্য করেন—প্রণাম করেন—আপনকার আজ্ঞা হইছেন ।

সঞ্জীব । আজ্ঞা হইছেন কি—

মুকুন্দ । বুঝাইয়া বল ।

মুরলী । আমাগোর দেশের ভাষা—ভাইটা কখন ত শুনে নাই—বুঝবে কাহা—

সদা । তোমার ঠাকুর দাদা খোকাবাবু ! বাবু তোমার বাবায় খুরা—

পাটলা । ও দাদা ! বাবা আমাদের বাঙ্গাল !

মুরলী । ঠাক ধরছ্যা—ও মুখুয়া শালী আমার কি বুঝি-
ষতী হে !

মুকুন্দ । হঃ—তোর বাপ যদি বাঙ্গাল হইল—তুই কি
হইলি !

সঞ্জীব । আমরাও বাঙ্গাল ।

মুরলী । ঠাক কয়েছিস—ভাই—ঠাক কয়েছিস । বন্ধে আর
বন্ধে আর ।

মুকুন্দ । আনন্দরে দেখবার চলেন ।

মুরলী । কি পাঠ করছিলি ভাই !

সঞ্জীব । ভূগোল পড়িছিলুম ।

মুরলী । একবার কি পাঠ করছিলি বলনা শুনি । একবার
বংশধরের বাক্য শুনিয়া শ্রবণ জুরাই ।

সঞ্জীব । পৃথিবীর আকার গোল ।

মুরলী : হঃ ! কি কইলি পৃথিবীর আকার গোল !

পাটলা । কিন্তু সম্পূর্ণ গোল নহে ।

মুকুন্দ । আবার তাতে খাপচি কাটা আছে !

সঞ্জীব । উত্তর দক্ষিণ প্রান্তে কিঞ্চিৎ চাপা ।

মুরলী : হঃ আবার চাপা হইল—এ দুর্দশা অইল ক্যান ?

মুকুন্দ । ঘোর কলি—তাই ধরিত্রীর এই দুর্দশা হইছে ।

পাটলা : ঠাক কমলা লেবুর গ্রায়—

মুরলী । ও মুকুজা আক্ষেপ করিও না—রস আছে রস আছে ।

মুকুন্দ । তাইত এই রসময় লাভী হইছে ত রসময়ী লাভিস
হইছে—

মুরলী । তোদের নাম কি ?

সঞ্জীব । আমার নাম সঞ্জীব—এর নাম পাটলা ।

মুরলী । হঃ ! পাটলা !

মুকুন্দ । পাটলা ত গাভীর নাম ।

সঞ্জীব । পটলডাকায় জন্ম বলে নাম পাটলা ।

মুরলী । ও মুখুজ্যা—শুদ্ধ রস নয়—পিত্তনিবারক রস ।

মুকুন্দ । হঃ—তাইত দেখছি !

মুরলী । যেমন জল হইতে জালা—পটল হইতে পাটলা !

চল—সদারাম চল—আনন্দরে দেখার লেগে প্রাণ অর্ধেক হইছে—

সদা । চলেন—চলেন ।

মুরলী । এই লও দাদা—এই লও দিদি—কিছু মিষ্টান্ন খাইবার
লেগে—গ্রহণ কর ।

মুকুন্দ । সর্বস্বই তোমাগো—দ্যাখছকি তোমাগোর দাদা—
তোমাগোর দেখে মুগ্ধ হইচে ।—চল—চল বাক্য্যা ।

(সঞ্জীব ও পাটলা ব্যতীত সকলের প্রস্থান)

পাটলা । তাইত দাদা ! এত ভারী মজা হ'ল ।

সঞ্জীব । মজা হইল বইলা অইল—আমরা বাকাল হইলাম—

পাটলা । ও কিরকম কথা কচ্ছ দাদা ।

সঞ্জীব । চূপ দাও—আমি বাকাল হইছি—বাকালী জী ছিলাম
বাকাল পুরুষ অইছি ।

পাটলা । ও দাদা—অমন ক'রে ব'লনা—

সঞ্জীব । বুঝতে পারলিনি—জাতিবাচক শব্দের উপর জীলিঙ্গে

দীর্ঘ ঈ হর, যথা—নদ নদী, ঘট ঘটী, কান্দাল কান্দালী, বান্দাল বান্দালী ।

পাটলা । একটা করে মোহর—চল দাদা—হাতীর দাঁতের খেলনা কিনে আনি ।

সঞ্জীব । তুই কিন গে যা—আনি এখনি ফুটবল কিনে আনতে চললুম ।

সঞ্জীব ও পাটলা ।

ত্রিঞ্জল বার্তাকু কোকসর শশা ।

প্রমকিন নাউ কুম্ভো প্রাউমান্ চাৰা ॥

এস্টা একটা মজার চিজ, আই এ দিলে হলেন ইজ্

উপারেতে হুগার হলো মিষ্টি হলো খাৰা ॥

লাগে দিলে আইলাগ একেবারে লগ্ ভগ্—

শাশ টুক্ সব বেরিয়ে গেল রইল পড়ে খোৰা ॥

ধমস্ দিলে নুতন রস, একেবারে ইস্ ধমস্—

বিছো বুদ্ধি তাতেই বস্ হাররে মজার ভাৰা ।

দ্বিতীয় দৃশ্য ।

শাবদা ও আনন্দ ।

আনন্দ । বা-বা ! কি সুন্দরই সেজেছে শাবদা—একবার অধীনের সম্মুখে আয়না ধর । কমনীয়কাস্তিতে একবার নিরীক্ষণ কর ।

শাবদা । গেরস্তর মেয়ে সংসারের কাজ কর্ত্ত্ব করতে হবে—একি আমাদের পোষায় !

আনন্দ । আবার তুমি সংসারের কাজ কববে কি ! এ বৎসর পাটের মরসুম তবু পাইনি—শেষ শেষ সময়টা—তাইতেই পাঁচ হাজার উপরি মেরে দিইছি । মরসুমে কি আর রাখবো—বাজার একধার থেকে কাটতে শুরু করবো । তোমাকে একেবারে সংসারের ওপর সংসার—তারও ওপর একেবারে তিন সংসারের মাথার ওপর রেখে দেবো । তুমি তেতালার চেয়ার ঠেসে, টেবিল ঘেঁসে বসে, ক্ষিধের চোটে যেমন কিড়িং ক’রে বেলটিতে ঘা মাববে—অমনি গোফহীন দাড়ী সমন্বিত তাবকেস্ববের মানসিক করা বাবাঠাকুর ডিসে করে একেবারে তোমার সম্মুখে প্রাণী-বৃত্তান্তের পাতা খুলে ফেলবে ।

শাবদা । ওমা ! সে আবার কি !

আনন্দ । যখন সম্মুখে পড়ে তারা স্নিগ্ধনগনে তোমার শ্রীঅধর পানে চাইবে, তখনই বুঝবে । এখন তা আর বলছি না ।

শাবদা । দেখো যেন অথাত্ত্ব ঘরের ভেতর ঢুকিয়োনা ।

আনন্দ । আচ্ছা—আচ্ছা—থাত্ত্ব কি অথাত্ত্ব তখন তুমিই বিচার করবে ।

শারদা । তা যাহোক এখন কালীঘাটে পূজা দেবার কি ব্যবস্থা করলে ?

আনন্দ । তাই করবো বলেই ত নিতাইকে ডাকতে পাঠিয়েছি ।

শারদা । আমি ত একটা টাকা মাথায় ঠেকিয়ে তুলে রেখেছি ।

আনন্দ । বটে ! মনেই ছিলনা—টাকাটা দাও তো কতকগুলো ম্যাগা আনিয়ে সিন্নি দিতে হবে ।

শারদা । ওকি পাগলের মতন কইছ ।

আনন্দ । দাওনা—শারো—আমার বচন ধর—এখন কালীর কাল গেছে । কালী ছেড়ে গৌর ভজ ।

শারদা । ছি ! ওসব কথা কয়োনা ।

আনন্দ । বেশ, এখন কইব না ।—তাই ত নিতেটা করলে কি ! সাহেবদের যে বড়দিনের সওগাদ পাঠাবো—তা কি কি সওগাদ করতে হবে—নিতেটা কবলে কি !

(নিতাইয়ের প্রবেশ ।)

নিতাই । আজ্ঞে হজুর ! নিতাইই কি বসে আছে—সকাল থেকে সারাটা সহর চবাকি ঘুরছি ।—পেরু মটনের জন্তে গেলুম হগ-সাহেবের বাজারে, চিংড়ির কঁকড়ার জন্তে গেলুম নতুনবাজার—কমলার জন্তে গেলুম বেলেঘাটায় । আবাব পথে আসতে আসতে রসগোল্লার কথা মনে পড়ে গেল ! আবার ছুটে বাগবাজার যেতে হ'ল । সেখান থেকে এই আসছি ;

আনন্দ । সব ঠিক ?

নিতাই । আজ্ঞে সব ঠিক—বাড়ী থেকে নতুন ট্রে ক'রে সরপোষে মুড়ে একেবারে হজুরের কাছে সাজিয়ে আনছি ! হজুর একবার চক্ষে দেখে আমার জীবন সার্থক করবেন আমুন ।

শারদা । পাড়ারগী হ'লে আর এত শিগ্গিরি জোট হ'ত না ।

নিতাই । কেও মা ! কি সুন্দর সেজেছ মা ! (প্রণাম)
এইবারে ঠিক হয়েছে—হজুরের বাড়ীর বড়দিন মানিয়েছে । পাড়ারগীর
কথা বলছ—আরে ছি—সেখানে হ'লে—এত ঘোরাঘুরিতে বাঘেই
থেয়ে ফেলতো—রাত চারটের সময় থেকে ঘুরছি—ঘরমুখো
বাঘ কি ভালুকের মুখে পড়লে তখনি তারা আমার মাথার ঘীর
ফলার করে ফেলতো—

আনন্দ । পাড়ারগী এমন !

নিতাই । কইবেন না হজুর ! কইবেন না—ও পাপ নাম
মুখে আনবেন না—ও নামের ভেতরেই শিয়ালের দল
হুকাঁ হুয়া করছে ।

আনন্দ । তুমি এ সব জানলে কি করে !

নিতাই । হজুর ! এ অভাগোর যে পাড়ারগীয়ে জন্ম !

আনন্দ । বটে !

নিতাই । পাড়ারগীরের দোষের কথা কি বলব । সকালে
খাঁটি পাচসের দুধ খেয়ে একটা মাঠ পার হ'তে না হ'তেই—পেটের
নাড়ী আবার যে চৌ—সেই চৌ—সারাদিন খেয়ে সেখানে নাড়ীর
চৌ মারতে পারলুম না । এখানে টাকার চারসের দুধ—তাও
জলে জলে ঘোরা—তার এক চুমুক খেয়ে—স্বর্ণপটপটি দিয়ে
তবে পেটের বাই মারতে হয় । না খেয়ে যে দেশে মানুষে
বাঁচে—এমন সহর—এখানে পাড়ারগীরের নাম করতে আছে !
আমাদের গ্রামের মিত্তিরেরে কলকেতায় এসে চাকরী ক'রে কি ফুর্তি
করছে দেখছেন না । তাগাদাদারেরা সকাল থেকে সঙ্গে পর্যন্ত
বাড়ীর দরজা ঠেঙাচ্ছে—আর তার গ্রামের লোক তার প্রকাণ্ড

বাগানের সমস্ত ফল পাকড় লুটেপুটে খাচ্ছে । এই আমার কি দেখেছেন না । আমি কুলে তিনটে পেটের জন্তে মজা ক'রে বগল বাজিয়ে হজুরের কাছে মোসাহেবী করছি । আর আমার জ্ঞাতিরা আমার ভদ্রাসনে কষ্ট ক'বে—হাল চষে সম্বৎসরের খোরাক তুলে নিচ্ছে ।

শারদা । আমার পাড়ারগাঁ দেখতে বড় সাধ হয়—

আনন্দ । ছি ওকথা মুখে এনোনা—পাড়া গাঁয়ে কি মাহুবে বাস করে ।

নিতাই । ছি ছি ! বলবেন না মা, বলবেন না । সেখানে কলের জল নেই, ট্রাম নেই, গ্যাস ইলেক্ট্রিক লাইট নেই,—পথ হাঁটতে জুতো চলবে না,—চাকরী মিলবে না—কেবল চাখ কর আর খাও । যত ভূতে বাস কবে । ছি ছি । পয়সা থাকতে পাড়ারগাঁ । যখন অন্ন মিলবে না, ছোট আদালতের তাড়ায় কেবল হরিণ বাড়ী আর ঘর—তখন মা লক্ষ্মী আঁচলে মুড়ী বেঁধে, মরাইয়ে ধান পুরে, পুকুরে মাছ ভরে, এই সব আমাদের মতন হতভাগাদের আদর করে ডাক দেবেন—

(মুরলী, মৃকুন্দ ও সদারামের প্রবেশ)

শারদা । না একবার পাড়ারগাঁটা দেখতে হচ্ছে ।

সদা । দেখতে ইচ্ছে হতেছে—তাহলে দেখবেন—
আইসেন আইসেন—

শারদা । ওমা এ কে গো ! বাড়ীর ভেতর আসে কে গো ।

(প্রস্থান)

আনন্দ । তাইত সদা ! এ বাড়ীর মধ্যে কারে আনচিস্ !

সদা । চিনছেন না—চিনছেন না—আপনগার খুঁরা !

আনন্দ । কে আমার খুড়ো বাইরে যাও—বাইরে যাও—

নিতাই । বাইরে যাও—বাইরে যাও—কে ছজুরের খুড়ো বাইরে যাও—বাইরে যাও—তাইত ! সেই ঠাকুর না ! ঠাকুর বাবুর খুড়ো ! ও কর্তা তুমি অজ্ঞ পাড়ারগী—তুমি আমাদের কাছে সহরে গিরি ফলাও । একটু রগড় করতে হচ্ছে—ছজুর সহরের মাথা—সব চোকা চোকা কথা—কে খুড়ো, বাইরে যাও—

মুরলী । কি আনন্দ—চিনছিঁস্ না—তোর খুড়ো যে তোকে বক্ষে ক'রে মানুষ করেছেরে !

আনন্দ । আরে ম'ল ! একি বিপদ—এয়ে সব সম্বন্ধ যায় দেখছি।—এই অসত্য আমার খুড়ো জানলে—আর কি আমার পসার থাকবে !—কে তোমাকে এখানে আস্তে বললে ?

মুরলী । মায়ার টানে আসচিরে—মায়ার টানে আসচি ।

আনন্দ । যাও যাও—

নিতাই । যান—যান—বড় দিনের ছুটীতে বাবু পাঁচজন সভা বন্ধু নিয়ে আনন্দ করবেন—তা না করে সকাল বেলা—কি বৌভৎস দৃষ্ট—কপালে কোঁটা—মাথায় বুলাবনী পাকড়ি—তাথেকে টিকি খুলছে—গুধু পা, হাতে ভাঁমের গদা—সর্বনাশ করলে—সব আনন্দ মাটি করলে—

আনন্দ । হাঁ হাঁ—বাল্যকালে একজন পূর্ব বঙ্গের স্বালোক আমাকে মানুষ করেছিল বটে—কিন্তু তাতে কি—আমার খুড়ো ছুড়ো কেউ নেই—

নিতাই । আয়া—আয়া—আয়ার মতন মানুষ করেছিল—কেউ নেই—হাউসওলা সাহেব বাবুর আবার টিকিওলা খুড়ো কি !

মুরলী । ও মুকুয়া—এ বানরটা কয় কি !

মুকুন্দ । গর্ভশ্রাব—আবার কইবে কি ! বানরত পাথুরে
খুদেই লিখছে—চলি আইস—চলি আইস—মর্যাদা যাইবে ।
রামেশ্বর ঠাকুরের সম্মান—হুই পাত ইংরাজী পড়িয়া বানর
হইছে—চলি আইস—চলি আইস—

মুরলী । ও আনন্দ কইলি কিরে—সত্যই ত তুই গ্যাণ্ডা হইলি !

আনন্দ । দেখ মুখ খারাপ ক'র না ।—যাও দাও ত নিতাই—
হু'জনকে গোটা হুই টাকা দিয়ে বিদেয় ক'রে দাও ত ।

নিতাই । হজুর হাতে ভীমের গদা—বিশেষতঃ আপনার
আয়ার স্বামী—আপনি দিন ।

আনন্দ । এই নাও—হু'টো টাকা নিয়ে চলে যাও—এখানে
থাকবার ঠাই হবে না—

(ভূতের প্রবেশ)

ভূত । হজুর ! সাহেব ভাষাখণ্ড দেউছন্তি—খানসামা দেউড়ীপর
খাড়া রইছন্তি ।

আনন্দ । দে সাদা, বামুন হু'জনকে বিদেয় করে দরজা দে ।
ত্যাগী আপদ কোথা থেকে জুটলো দেখ । (প্রস্থান)

নিতাই । এ কোথায় এসেছেন প্রভু ! আপনি নিষ্ঠাবান
হিন্দু—এখানে কেন এসেছেন—

মুরলী । খেরই ভ্রম করছি—আনন্দ এমন বৃত্ত জানলে কি
আসতাম ।

নিতাই । বাবুর মাথা পাঁচশালা পড়ে খারাপ করেছে—
বাবু—বাবু ! ফিরে এসে গুরুজনের মর্যাদা রাখুন—বাবু বাবু !—
(প্রস্থান)

মুকুন্দ । আস বাক্য্যা—আস—

মুরলী । অসভ্য—মুর্থ—পয়সা দিয়া আমাগোর তাড়াইছ—
তোর বাড়ী প্যাছাপ করি না ।

(উভয়ের প্রস্থান)

(শারদা ও বী ।)

বী । দেখছ কি ! ফিবিয়ে আন—গুরুজন তাতে বন্ধকোপ—
সব যাবে—ও হুদিনের তুম তাড়াকি কিছু থাকবে না ।

শারদা । তাই ত বী—এ পরিচ্ছেদে কেমন ক'রে যাই ।

বী । এখন ত যাও—আগে ব্রাহ্মণের রাগ থামাও—
তারপর যা হয় হবে—

আনন্দ । ও শারো! আদায় ধবো । বাউয়েল ফেল, সব গেল
আদায় জেলে যেতে হলো—

তৃতীয় দৃশ্য ।

পথ ।

বী ও চাকর ।

বী । সহরকে সেলাম ঠুকে যাই চলে কাশী ।

চাকর । মু যিব তু সাথের সাথ নিয়াড়ে গল দিব কাশী ।

বী । মা ছিল কাঠ কুড়ানি (আমি) হতে এলুম রাণী,
পোড়ো বরাত ফিরলো নাকো যে দাসী সে দাসী ;

আমি এমন রূপসী,

জোর বরাতে জুটলো উড়ে ছি ছি পায় হাসি ।

চাকর । মু তুক যে ভাল বাসি ॥

স্ত্রী । আমি সেই পোঁটা চুনি চাল ঝাড়ুনি,
 পুরুষ । মু পাশে বসে খাদ কসি ।
 স্ত্রী । চল দেশে চলে যাই,
 পুরুষ । ধাঁই কিড়ি ধাঁই কিড়ি ধাঁই,
 উভয়ে । লাঙ্গল ফাল পাড়ি মাঠ ঝাকু হাল চরি ।

চতুর্থ দৃশ্য ।

মুবলী ও মুকুন্দ ।

মুকুন্দ । চলে চল—

(শারদা মুরলীর সম্মুখে যাইয়া প্রণাম)

মুকুন্দ । আবে ম্যান ছুঁইছে—জাতি গেল—জাতি গেল—

শারদা । ঠাকুর ! ক্রোধ করবেন না—আমি আপনাব
 অভাগিনী কহা ।

মুবলী । কে মা তুই ! আনন্দেব বধু—একি বেশ করছিস মা !

শারদা । ঠাকুর এখনি ত্যাগ কবছি—

মুবলী । রামেশ্বর ঠাকুরের বংশেব কুলবধু—মা লক্ষ্মীর মতন
 রূপ—একি বিজাতীয় সাজ সেজেছিস মা !

শারদা । বাবা ! এখনি আপনার স্মৃতিতে পুড়িয়ে ফেলছি ।
 আজ স্বামীব আদেশে এ বেশ প্রথম পবেছি—ভগবানরূপে আপনি
 আমাকে রক্ষা করতে এসেছেন—আমাদেব বংশমর্যাদা রক্ষা করতে
 এসেছেন । আপনি যে প্রায়শ্চিত্তের আদেশ করবেন, তাই করছি ।
 তবু মুখ ত্রাতুম্পূত্রকে ত্যাগ করতে পারবেন না ।

(বীর প্রবেশ)

বী। এস বাবা এসো—জাত সাপ চোঁড়া হ'লে যে যুগ উলটে যাবে। দয়া কর বাবা দয়া কর—

মুবলী। ও মুকুন্দা—মায়েব মধুর বচন শুনিয়া আবার যে হৃদয় জ্বল হইয়া গেল।

বী। মা বড় ভাল - মা বড় ভাল—যেয়ো নি বাবা—অকল্যাণ কর'নি বাবা অকল্যাণ ক'র নি—

মুকুন্দ। জ্ঞাননীর অপরাধ কি—ছাশের শালায় স্বামী গুলাইত—মাগী গুলাবে খারাপ করছে।

(পাটলা ও সজাবের প্রবেশ)

উভয়ে। সে কি দাদাজী! কোথায় যাবে! যেখানে যাবে আমবা তোমার সঙ্গে যাব—

মুবলী। ও মুখুয়া আবার মায়ায় জড়াইলাম।

মুকুন্দ। আমারও ত তাই হইল মুখ' পুত্র—তানার উপর ক্রোধ কইরা কি হইবে—জননী! তোমার স্বামী বৃত্ত অইলে কি হয়, তুমি সদবংশের কন্যা—

(নিতাইয়ের প্রবেশ)

নিতাই। মা! তোমাব পুণ্যে—তোমার স্বামী আজ সর্বনাশ থেকে রক্ষা পেলে—আমি পথে যা শুনে এসেছি—ভয়ানক কথা—বলতে সাহস করছিনি—

শারদা। কি বল—শুরু ত্যাগ করতে চলেছেন, তার চেয়ে কি আর সর্বনাশ হবে।

নিতাই। বাউএল কোম্পানী গুনছি কেল হয়েছে—এই বড়-দিনের বন্দেই—একেবারে আফিস বন্ধ।

শারদা। তা হলে ত আমরা পথের ভিখারী হয়েছি—

নিতাই। এই ক'বৎসর ধরে লোকসান দিচ্ছিল—কিন্তু চুপি-চুপি ঠাট বজার রেখেছিল—আমার বাবুকে কতকটা ঠকিয়ে লাভ দেখিয়ে তারে দিয়েই কারবার চালিয়েছিল। এবার পাটের বাজার একদম নেমে গেছে। মগরাহাটে সাত গুদম চাল পূরে ছিল, সব পচে ভ্যাটভেটে হয়ে গেছে।

মুরলী। বেশ হয়েছে—আনন্দ এতকাল চাকরী করে কি করল ?

শারদা। কিছু না পিতা—যা উপার্জন করেন, তা কেবল খাওয়া আব বাবুয়ানাতেই ফুরিয়ে যায়—

মুকুন্দ। তবে ত বুতের ব্যাগার খাটছে—

নিতাই। সবাই তাই করছে দেবতা—সবাই ভূতের ব্যাগার খাটছে—আনছে, নিচ্ছে, খাচ্ছে—আর যেই চোক বুজছে অমনি সব ফাঁক। জ্বী অমনি ডিস্ট্রিক্ট চ্যারিটেব্ল ফণ্ডে ছুটো পাঁচটা ছেলে মেয়ের হাত ধরে দরখাস্ত পেশ করছে। ও হাজার টাকা থেকে আরম্ভ ক'বে দশ টাকার কেরাণী পর্যন্ত সবার আজকাল ভূতের ব্যাগার।

মুরলী। বেশ হইছে—আবার বাছা ধনবা দেশে ফিরে—চাষে আইস।

শারদা। আমারত সব গেল নিতাই !

মুরলী। তোমার কি যাইবে জননী! তোমার পুত্র কত্না লগে আমি মাসিক আড়াই হাজার টাকা আর রাখছি—শালা শালিয়া তার কত ধাইবে !

শারদা। দয়াময় নারায়ণ ! কোথা থেকে কত্নাকে রক্ষা করতে

এলে। আমার যে মাথা গুলিয়ে যাচ্ছে—আমি যে কিছুই বুঝতে পারছি না।

মুকন্দ। মূর্থ আমাগোর ভিখারী জ্ঞান কইরা দুইটা টাকা ছুরিয়া দিল।

সঞ্জীব। অপরাধ হয়েছে দাদা! অপরাধ হয়েছে—আমি বাবার হইয়া নাক মর্দন করছি—

মুকন্দ। দূর শালা—বাঙ্গাল দেখা, আমাগোর তামাসা কর।

সঞ্জীব। দাদা—দাদা আমিও তোমাদের সাথে বাঙ্গাল হইছি।

মুরলী। তবে চল শালা কলকাত্তা ছাইয়া আমাগোর আশে চল।

সঞ্জীব। চল দাদা—আমাদের দেশে বাই।

নিতাই। বল্লুম ত মা! তোমার পুণ্যে তোমার স্বামী রক্ষা পেয়ে গেলেন।

মুরলী। তোমারই পুণ্যটা কম কি, তুমিও দাওহান হইলে—

সদা। আর আমার ক্ষুর চাঁচা বরাত—আমি খানসামাই রইলাম।

মুকন্দ। তা কর্বি ক্যান—আশে যাইয়া ক্ষুর লইয়া তোমার মনিবের মত ব্যাকুবগুলার মাথা ফাউরা কর্বা—আশে অনেক বুত হইছে। তোমার অনেক টাকা উপার্জন হইবে।



ভূতের বেগার ।

পঞ্চম দৃশ্য ।

ধর্মতলার মোড় ।

বিলাসিনীগণ ।

সহর ছেড়ে কেমন করে যাব পাড়া গাঁ ।

ঘুরছে মাথা টলছে গা চরণ চলেনা ॥

সরছে নাকো মন

প্রাণে বাঁধছে নাক সুর

সেথা নাহিক যে ইস্ কর্ণওয়ালিস, বাগান আলিপুর ;

বুট দিয়ে পায় চলবো কোথায় এক হাঁটু কাদা ॥

গ্যাসের আলো নাইক পার্ক

দিবানিশি কেবল ডার্ক

খেতে হবে খানে ভাতে হজম হবেনা ।

পানা পুকুর বুক গুর গুর কে নাবে বাবা ॥

ষষ্ঠ দৃশ্য ।

আফিসেব সম্মুখস্থ বাগান ।

(জনতা)

১ম নাগরিক । ও কেউ টেরপেনে না গা !—ভেতর ভেতর
জাল শুটুচ্ছে কেউ ধরতে পারলে না ।

২য় না । অনেক লোককে ফাঁসিয়ে গেছে ।

(নিতাই ও আনন্দের প্রবেশ)

আনন্দ । ও বাবা কি হ'ল—ও সাহেব কি করলে ।

১ম না । এইরে এন, ডি, ব্যানার্জী আসছে ।

আনন্দ । ও সাহেব—ও বাউয়েল সাহেব—

১ম না । আর সাহেব—সাহেব—এতক্ষণ কলহো !

আনন্দ ।- তাই ত কি সৰ্কনাশ হল । আমার ঘাড়ে দেনা চাপাবে ব'লে—আমাকে সেদিন চালাকি করে পাঁচ হাজার লাভ দিয়ে দিলে । ও বাবা বাড়ী ঘর সব বাঁধা দিয়ে, জ্বরী বাকিছু ছিল, তাই নিয়ে যে মুচ্ছুদিগিরি নিয়েছি গো !

নিতাই । ও সাহেব ! তোমার ভেঁটকি মাছ পচছে যে হে—তোমার পেরু যে চিলি দেশে উড়ে গেল—ও সাহেব কি করলে । বাবু যে সকাল বেলায় দুটো বায়ুনকে দু'টো টাকা ঠক ক'রে বকসিস দিয়ে পুণ্ডি করে এলো গো । তার ফল এই হ'ল ।

আনন্দ । ও নিতাই কি হবে ।

নিতাই । হরিণ বাড়ী হবে, আর কি হবে—নেরে ছেলেগুলো পথে ভিক্ষে মেগে খাবে—

আনন্দ । ঝ্যা—এই আমার চাকরী'ব পরিণাম ।

নিতাই । নকরীর চিরকালই—এই পরিণাম—বড় জোর দুপুরুষ—বাবু—তোমার হবু বেই ডিপুটীর পোর বাড়ী দেনার বিক্রী হয়ে গেছে ।

আনন্দ । আমারও যে সঙ্গে সঙ্গে বিক্রী হয় নিতাই ।

নিতাই । বাঁচা যায়—

আনন্দ । কি বললি নিষ্ঠুর ।

নিতাই । ও নিষ্ঠুরেও যা বলবে ঠুরেও তাই বলবে ।

(মহাজনগণের প্রবেশ)

১ম মহা । মুচ্ছুদি কোয়ানে গেল !—

২য় মহা। মুচ্ছুদি শালা কাঁহা গিয়া। এই বে—

১ম মহা। শালায় পুং ঘ্যাণ্ডা হইছে—

নিতাই। দেখ্ শালায়া বাবুকে গাল দিস্নি।

১ম মহা। গালি দিব না ?

২য় মহা। গারি কাছে নেই দেগা !

১ম মহা। আমাগোর দয়ে মজাইছে—গালি দিব না ?

নিতাই। শালায়া পয়সা পাবি, পয়সা নিবি—বাবু কে গাল দিবি
কি—ফের যদি গাল দিবি, তাহ'লে এক চড়ে তোদের গদিয়ানির
অবসান হবে দেবো।

১ম মহা। টাকা দিবেন—হাঁ বাবু ! টাকা দিবেন—

নিতাই। টাকা দেবেন না ত কি—তেলি গুঁড়ির পয়সা বাবু
ঘরে রাখবেন। গঙ্গাজল দিয়ে ধুয়ে তবে টাকা ঘরে তুলতে
হয়। নইলে কার সাধি বাবা, তোমাদের টাকা হজম করে।

(মুরলী ও মুকুন্দের প্রবেশ)

মুরলী। কি হইছে ?

নিতাই। এই বাবুয় কাছে টাকায় তরী ক'রে এই শকুনি
বেটারি গাল পাড়ছে।

মুরলী। কত টাকা—

১ম। আইজ্ঞা—সর্ব্বশুদ্ধ কিছু কম লক্ষ হইবে।

মুরলী। সবে মাত্র লক্ষ—আর নয়।

মুকুন্দ। তার লগে আনন্দিরে গাল পারতিছে কোন শালা রে !

নিতাই। সব শালাই করছে।

মুকুন্দ। বাক্সা—বাহির কর।

(মুরলী উকীশ হইতে নোট বাহির করণ)

সকলে । তাই ত একি রে—খুগড়ির ভেতর খাসা ঢাল ।

মুরলী । এই লও মুখুয়া লক্ষ ।

মুকুন্দ । এই লও—সই করিয়া মুজা লও ।

২ম ম । হামারা দশ হাজার হ্যার—

নিতাই । নে শালা—যক্ষি শালারা, শকুনি শালারা নে ।

তোদের যেন জন্মজন্ম নিতেই হয়—কাউকে দিতে না হয় ।

মুরলী । ওঠ আনন্দ—ওঠ—বেলা হইচে—মুখ শুক হইচে—

মা রোদন করচেন গৃহে চল ।

আনন্দ । খুড়ো ম'শায়—গিসে ম'শায় ! অন্ধের চক্ষে আপনাদের
যে চিনতে পারিনি—বড়ই অপমান করেছি !

মুরলী । কি করিছ—

মুকুন্দ । পুত্র তুমি—উঠ ।

আনন্দ । তাই ত কি করেছি !

মুরলী । কিছু কর নাই—উঠ ।

নিতাই । এখনও চিনতে পারনি বাবু ! এখানে থাকলে
পারবে না । সেই কর্দমাক্ত কোমল মৃত্তিকার স্পর্শ না পেলে
এ কুহকময় সহরে জ্ঞান ফিরবে না—সেই কেদারবাহিনী নদীর
স্নিগ্ধ জল চোখে না দিলে দৃষ্টি ফিরবে না ।

মুরলী । (১ম মহাজনের প্রতি) তুই কেডারে ? তোরে যেন
চিনি চিনি করছি—তুই কেডা ।

১ম মহা । আমি বুদ্ধিহরণ ।

মুরলী । চিত্তহরণের ছাওয়াল বুদ্ধিহরণ ?

১ম মহা । আইজ্ঞা হ । তিনি হন কে ?

মুকুন্দ । কোতল পুরের বাকুয়া—

১ম মহা। হঃ! আমাগোর রাজা! তিনি হনকে!

মুরলী। আমার ভাতুস্পুত্রেরে বিটা!

১ম মহা। হঃ! করলাম কি! মুয়ে আগুন দ্যালাম। বাবু
আপনার ভাতুস্পুত্র! আমি জানতাম বাবু কলকাত্তাই।

মুকুন্দ। তোরাও ত কলকাত্তাই হইছিস্—তুচ্ছ অর্থলোভে
ব্রাহ্মণেরে গালি পারছিস্।

১ম মহা। কি করলাম—মুয়ে আগুন জালাম। আমি অর্থ
লইমু না।

মুরলী। অর্থ লইবে না ক্যান—ধর্ম্মতঃ অর্থ প্রাপ্য—লইবে না
ক্যান—আমারে ঋণী করবা।

মুকুন্দ। তবে নাকে খৎ দাও—ব্রাহ্মণেরে আর কটু কথা
কইবে না।

নিতাই। আর তুমিও বাবু নাকে খৎ দাও—এমন দেবতা
ধূল্লতাতের চরণ ধর আর ছেড়ে না। আর সকলকে বলি ভাই
সব—যাদের দেশ আছে—যাদের চাকরী থাকা না থাকা উভয়ই
তুল্য—তারা দেশে যাও। মান অভিমান বিসর্জন দিয়ে নথদেছে
নথপদে মা বহুমতীর সেবা কর—মা ভারে ভারে ধন ধাত্তের ডালা
নিরে তোমাদের তৃপ্তি সাধন করবেন।

উজ্জ্বল দৃশ্য ।

শিরে লয়ে ডালা এস মা কমলা—

আশিষ ঢালিয়ে দাও মা !

অনাহারে সারা শিশু দিশে হারা

করণ্য নয়নে চাপ মা !

কমল কর মা বুলায়ে দাও

সব দুঃখ স্থালা তুলে মা নাও

সুখ শান্তি ছায়া সধু দুটী খাওয়া—

খেতে দাও খেতে দাও মা !

ঘুচাও বিবাদ শত অপরাধ—

ভুলে যাও ভুলে যাও মা !

যবনিকা ।